

Lebih RM300 juta tingkat upaya rakyat

MUKA
3

PERBANDANAN WAKAF SELANGOR
بِسْمِ اللَّهِ الرَّحْمَنِ الرَّحِيمِ
PERBANDANAN WAKAF SELANGOR
MAJLIS AGAMA ISLAM SELANGOR

BERWAKAF SECARA BULANAN KINI LEBIH MUDAH MELALUI DIRECT DEBIT

IMBAS UNTUK MENDAFTAR
mudah • pantas • selamat

Mendaftar sekali sahaja melalui <https://infaqpay.my/go/wakafselangor>. Pengguna akan menerima status BERJAYA melalui e-mel. Potongan akan dibuat setiap 2-5hb atau 22-26hb setiap bulan. Pewakaf akan menerima notifikasi transaksi berjaya melalui e-mel.

NOTA:
Resit Rasmi Sumbangan Wakaf tahun semasa akan diproses pada sukuhan pertama tahun berikutnya. Pewakaf perlu mengemas kini alamat surat-menyurat terkini sebelum tahun berakhir bagi tujuan pengeposan resit rasmi tersebut.

BULAN WAKAF SELANGOR | www.wakafselangor.gov.my | [f](https://www.facebook.com/wakafselangor) [i](https://www.instagram.com/wakafselangor/) [x](https://www.x.com/wakafselangor) [t](https://www.tiktok.com/@wakafselangor) wakafselangor




Dato' Menteri Besar Dato' Seri Amirudin Shari menyerahkan sumbangan Ihya Ramadhan kepada wakil 32 surau sekitar Gombak Setia di Masjid Al-Hidayah pada 9 Mac 2024. Sebanyak RM875,000 disalur kepada 132 rumah ibadat sekitar Gombak untuk menyemarakkan program pengimaranan. Foto FIKRI YUSOF ►BERITA MUKA 2

pancawarna

Petua untuk tidak melakukan dosa

Imam al-Ghazali garis kaedah cara hidup beragama, capai zuhud



10

Sikap tabayyun hindari tipu helah

Elak berlebihan angkat personaliti luaran dan dakwaan keturunan

11



Galak guna bahasa kebangsaan dengan betul

Lebih 90 peratus laman sesawang Kerajaan Negeri berbahasa Melayu

14



Anggar pendapatan RM200 juta setahun

SHAH ALAM - Pengurusan Air Selangor Sdn Bhd (Air Selangor) dijangka menjana pendapatan sehingga RM200 juta setahun menjelang 2029 hasil penyusunan semula perancangan operasi.

Dato' Menteri Besar Dato' Seri Amirudin Shari menjelaskan langkah termasuk menyelaras tarif air berupaya memberi keuntungan kesan pembiayaan pinjaman projek penggantian paip usang.

"Semua pinjaman yang dibuat dan dicadangkan Hulu Kelang (Dato' Seri Mohamed Azmin Ali) ketika menjadi Dato' Menteri Besar mula dibayar 2031 cara kontra bernilai RM55 juta hasil urusan dilakukan Air Selangor dan Pengurusan Aset Air Berhad.

"Jadi, tidak perlu bayar daripada tunai mereka. Mengikut rekod, bayaran pinjaman dibuat 2027 tetapi mula (bayar) 2031 hingga 2046 dengan jumlah RM248 juta tetapi hanya bayar RM193.7 juta," katanya pada 6 Mac.

Pantau pelaburan, mudah rundingan

SHAH ALAM - Unit Perancang Ekonomi Negeri dan Invest Selangor Berhad (Invest Selangor) boleh mengakses sistem Lembaag Pembangunan Pelaburan Malaysia (Mida) mulai tahun ini.

EXCO Pelaburan Ng Sze Han berkata akses itu membantu pentadbiran negeri mengetahui maklumat pelaburan yang diluluskan agensi itu seterusnya memantau prestasi projek dengan tersusun.

Beliau percaya kemudahan sedemikian membantu meningkatkan kadar peratusan pelaksanaan projek pelaburan yang diluluskan berikutnya tindakan susulan boleh dijalankan dengan lebih baik.

"Jika sesuatu isu tidak selesai di meja rundingan, Invest Selangor Berhad akan atur lawatan tapak bersama agensi teknikal seterusnya mencari jalan penyelesaian," katanya pada 5 Mac.

IMBAS DI SINI
akbar digital minggu lepas

A QR code is also present in the bottom left corner.

Sultan Sharafuddin angkat syiar Islam

SHAH ALAM - Duli Yang Maha Mulia Sultan Selangor mengangkat dan mempertahankan syiar Islam sepanjang menerajui Jawatankuasa Majlis Kebangsaan Bagi Hal Ehwal Agama Islam Malaysia (MKI).

Sultan Sharafuddin Idris Shah Alhaj selaku pengurus MKI juga memastikan jawatankuasa khas berkaitan kompetensi Dewan Undangan Negeri menjalankan tugas selain menyemak minit mesyuarat.

"Telah menjadi kewajipan Baginda untuk sentiasa mengangkat dan mem-

pertahankan syiar Islam di Malaysia dalam setiap keputusan yang dibuat secara muzakarah," kata Selangor Royal Office.

Sultan Selangor yang mula berkhidmat sebagai pengurus MKI pada 10 Mac 2022 hingga 9 Mac 2024 tidak berhasrat menyambung tugas tersebut.

Baginda juga menzahir penghargaan dan rasa sukacita terhadap kerjasama ahli jawatankuasa dan sekretariat dalam mesyuarat terakhir MKI sepanjang Baginda memegang jawatan berkenaan.

"(Mereka) telah melaksanakan tugas

dengan begitu efektif sehingga membolehkan semua mesyuarat MKI dilaksanakan dengan sempurna," menurut kenyataan itu lagi.

Sultan Selangor menyerahkan urusan memilih pengganti Baginda kepada Majlis Raja-Raja dari kalangan Raja Pemerintah agar kesinambungan fusi dan aspirasi MKI terus dilaksanakan.

Peraturan 2(1) Peraturan-Peraturan MKI 2022 menetapkan pengurusnya hendaklah dipilih dalam kalangan raja pemerintah dengan tempoh jawatan selama dua tahun dan boleh diperbaharui.

TVET diperkuuh

Wujud 30,000 peluang kerja

Oleh NORRASYIDAH ARSHAD

KUALA SELANGOR - Pelaburan bernilai RM55.3 bilion yang diraih Selangor sepanjang tahun lalu membuka 30,000 peluang kerja baharu dalam pelbagai sektor.

Dato' Menteri Besar Dato' Seri Amirudin Shari menegaskan pentadbiran negeri berupaya memberi tawaran kerja sekali gus memenuhi kehendak pasaran meski berdepan Covid-19 dan banjir besar.

Katanya, latihan teknikal dan vo-

kasional (TVET) juga dipergiat termasuk peranan Pusat Pembangunan Kemahiran Teknikal Negeri Selangor (STDC), sesuai keperluan pada masa ini.

"Kita tumpu cara memperhebat TVET untuk persediaan menjadi negeri maju dan mampu tampung keperluan setempat dan modal insan."

"Institusi ini wajar diperhebat dengan pelbagai strategik untuk keperluan negara dan negeri," katanya dalam majlis penutup Pertandingan Debat Piala Dato' Menteri Besar pada 10 Mac.

STDC yang dijenamakan daripa-

da Kolej Antarabangsa INPENS pada Ogos 2020 antara inisiatif bagi menjayakan Agenda Pendidikan Unggul bawah strategi Belanjawan 2020.

Pada 29 Februari, Lembaga Pembangunan Pelaburan Malaysia (Mida) mengumumkan Selangor mencatat pelaburan RM55.3 bilion sepanjang tahun lalu, melebihi sasaran RM45 bilion.

Data agensi turut menunjukkan projek perkilangan atau sektor pembuatan mencatat peningkatan daripada RM19.3 bilion pada tahun lalu berbanding RM12.2 bilion pada 2022.

Salur 132 masjid, surau RM875,000

GOMBAK - Sebanyak 132 masjid dan surau sekitar Gombak menerima sumbangan Ihya' Ramadan RM875,000 bagi menyediakan kemudahan dan memenuhi keperluan masyarakat Islam.

Dato' Menteri Besar Dato' Seri Amirudin Shari menjelaskan setiap masjid dan surau yang mengadakan solat Jumaat menerima RM10,000 manakala surau lain RM5,000.

"Ini peruntukan awal yang disalur Kerajaan Negeri, Pusat Khidmat Parlimen Gombak dan Menteri Besar Selangor (Pemerbadanan) atau MBI," katanya di Masjid Al-Hidayah di sini pada 9 Mac.

Beliau berkata Kementerian Kewangan pula meluluskan peruntukan tambahan RM10,000 yang dimohon Pusat Khidmat Parlimen Gombak untuk

memenuhi keperluan 22 masjid sepanjang bulan Ramadan.

"Peruntukan tambahan buat surau termasuk kategori Jumaat sedang diusahakan dan dijangka paling lewat disalur sebelum 17 Ramadan."

"Ini menjadikan peruntukan keseluruhan Ihya' Ramadan setiap masjid dan surau Jumaat RM20,000 dan surau (RM10,000)," katanya.

USIM juara debat Piala Dato' MB

KUALA SELANGOR - Universiti Sains Islam Malaysia (USIM) muncul juara pertandingan debat Piala Dato' Menteri Besar Selangor 2024 bagi kategori institusi pengajian tinggi.

USIM membawa pulang wang tunai RM8,000 manakala Universiti Kebangsaan Malaysia (UKM) selaku naib juara (RM5,000) dan Universiti Pertahanan Nasional Malaysia tempat ketiga (RM2,000).

Semua hadiah disampaikan Dato'

Seri Amirudin Shari di Pusat Pembangunan Kemahiran Teknikal Negeri Selangor pada 10 Mac.

Peserta UKM Hafiz Hafizi Norepndi sekali lagi terpilih sebagai pendedat terbaik peringkat akhir sekali gus mempertahankan kemenangan pada tahun lalu.

Bagi kategori prauniversiti, Asasi Universiti Malaysia mengungguli kategori tersebut diikuti UKM dan Universiti Utara Malaysia.

Amirudin dalam ucapannya percaya pertandingan sedemikian melatih peserta untuk berfikir rasional seterusnya membentang cadangan berasas.

"Ini bukan sekadar menguji siapa petah berkata-kata tetapi juga memberi pandangan berguna dalam se suatu isu," katanya.

Pertandingan yang diperkenal pada 2019 di Universiti Selangor dianjur kali kedua pada tahun lalu di Universiti Islam Selangor.



KONGSI... Duli Yang Teramat Mulia Raja Muda Selangor Tengku Amir Shah berkenan berangkat ke Melaka bagi menyantuni penghuni Rumah Anak-Anak Yatim Sultan Salahuddin Abdul Aziz Shah Al Haj di Pantai Puteri, Tanjung Kling pada 12 Mac. Baginda menyerahkan sumbangan tunai RM8,700 yang diagih kepada 29 anak-anak yatim selain mengurniakan 100 kilogram beras dan 29 set kain pelekat. Foto Facebook Selangor Royal Office

11 program utama diteruskan

Tingkat upaya rakyat

Oleh SHEEDA FATHIL

SHAH ALAM - Sebanyak 11 program Iltizam Pemberdayaan Rakyat Selangor bawah Iltizam Selangor Penyayang (ISP) dijalankan demi kesejahteraan penduduk menerusi peruntukan lebih RM300 juta.

Dato' Menteri Besar Dato' Seri Amirudin Shari menjelaskan program tersebut meliputi perkhidmatan Bas Smart Selangor dan van mobiliti yang memanfaatkan lebih 7.7 juta rakyat.

Katanya, Jelajah Ehsan Rakyat (kini dikenali Jualan Ehsan Rahmah) pula berjaya menarik capaian lebih tujuh juta penduduk diikuti pengecualian cukai pintu (426,656 orang).

"Bantuan Kehidupan Sejahtera Selangor (BINGKAS) pula memanfaat 27,542 keluarga diikuti Skim Air Darul Ehsan (296,000) dan Skim Mesra Usia Emas (188,077).

"Selain itu, 78,055 keluarga menerima inisiatif Jom Shopping Perayaan, Roda Darul Ehsan (3,000), Dana Bantuan Guaman Selangor (22), dan Pusat Kehidupan Berdikari (47)," katanya.

Beliau menjawab soalan Ahli Dewan Negeri Sungai Burong Mohd Zamri Mohd Zainuldin berhubung status program pemberdayaan rakyat di Dewan

Negeri Selangor di sini pada 5 Mac.

Sejak Julai 2022, sebanyak 47 program disusun bawah ISP yang memberi tumpuan kepada bantuan dan ikhtiar meringankan beban kumpulan berpendapatan rendah (B40).

Iltizam Pemberdayaan Rakyat Selangor terbahagi enam sektor yang dipecahkan kepada pelbagai inisiatif iaitu kesihatan, pendidikan, perumahan, keusahawanan, mesra anak Selangor.

Maklumat lanjut berkaitan inisiatif ISP boleh rujuk Laporan Pencapaian & Prestasi Kerajaan Negeri Selangor 2018-2023 di laman sesawang amirudinshari.com

Sebelum ini, Amirudin berkata usaha menyebar luas lebih 40 inisiatif yang ditawar Kerajaan Negeri dipergiat melalui penggunaan media sosial dan pempengaruh.

Beliau berkata medium itu berperanan penting dalam meningkatkan pemahaman rakyat berhubung manfaat bawah ISP.

"Sukar atau tidak kita kena berinteraksi dan cuba sedaya upaya menyantuni rakyat melalui media sosial. Kita juga harap kehadiran pempengaruh dapat memastikan maklumat itu sampai kepada golongan sasar. Ia secara tidak langsung dapat memupuk komunikasi berkesan antara Kerajaan Negeri dan rakyat," katanya baru-baru ini.

Prestasi kewangan PKNS baik

SHAH ALAM - Kedudukan kewangan Perbadanan Kemajuan Negeri Selangor (PKNS) kukuh dan mampu membiayai projek akan datang, kata Dato' Menteri Besar Dato' Seri Amirudin Shari.

Merujuk laporan agensi penarafan pada Februari lalu, beliau menjelaskan anak syarikat Kerajaan Negeri itu memiliki tunai RM804 juta setakat Jun 2023.

"Melihat draf dari 2019, 2020 ketika pandemik Covid-19, 2021 dan 2022, kita tingkatkan pendapatan. Beberapa tahun sebelum itu, 2015, 2016, 2017 timbul negatif lebih besar.

"Kita terpaksa menanggung dan baya kehilangan sepanjang 2014, 2015, 2016, 2017 yang agak besar. Aliran tunai dapat tangani dan hasil lebih baik.

"Stok tertangguh diatasi lebih baik. Insya-Allah kita lebih baik dan berada di landasan betul," katanya pada 6 Mac.

Amirudin berkata penjualan aset bawah prestasi antaranya bangunan Malaysian Resources Corporation Bhd (MRCB) dan sebahagian tanah di Kota Damansara merupakan langkah mengelak hutang dan bebanan lebih besar selain menumpukan projek berdaya saing.

Unit Bumiputera Terhad

Caledonia Avenue Kedai Pejabat 2 Tingkat

Pusat Perniagaan Berpotensi Tinggi





Tanggapan pelukis



Tanggapan pelukis

Hak milik kekal
Lokasi strategik dengan laluan trafik tinggi
22' x 75'

Kelebihan Tambahan

- > Berhadapan jalan utama
- > Kuala Selangor-Sungai Buloh
- > Dikelilingi ameniti yang tersedia ada

- > Luas binaan 3,075 – 6,542 kps.
- > Direka dengan ruang yang praktikal

www.caledonia.my | 017-637 3770 • 013-673 3030 |  BSC Sales Gallery

KLK Land
Suit 1A-1, Tingkat 1, Menara KLK
No. 1, Jalan PJU 17/6, Mutiara Damansara, 47810 Petaling Jaya, Selangor
Tel: 03-7726 1868

Pejabat Jualan Bandar Seri Coalfields
Galeri & Rumah Kelab BSC, Lengkok BSC 2/4, Presint 2,
Bandar Seri Coalfields, 47000 Sungai Buloh, Selangor.
Tel: 03-6184 3888 / 013-673 3030

Segala maklumat yang terkandung di sini adalah tertakluk pada pindaa tanpa notis seperti mana yang dikehendaki oleh pihak berkusa atau perundung pemaju. Walaupun segala maklumat telah disediakan dengan perhati teliti, pihak pemilik, pemaju dan pengurusan tidak boleh dipertanggungjawabkan jika terdapat kesilapan. Untuk mengelakkan dari kekeliruan, sila rujuk pada Perjanjian Jual Beli.

Hargai penjawat awam cemerlang

SHAH ALAM - Seramai 149 penjawat awam di Selangor menerima Anugerah Perkhidmatan Cemerlang (APC) manakala 37 pesara pula menerima Anugerah Jasamu Dikenang (AJD).

Mengucapkan tahniah kepada penerima, Dato' Menteri Besar Dato' Seri Amirudin Shari berharap anugerah itu membakar semangat mereka untuk berusaha meningkatkan prestasi pada masa depan.

Beliau juga menyifatkan Pejabat Setiausaha Kerajaan Negeri Selangor (PSUK) sebagai tunjang pengurusan dan pentadbiran kerajaan peringkat negeri yang harus menjadi teladan terbaik.

"PSUK perlu jadi contoh kepada jabatan dan agensi negeri yang lain dalam mengekal piawaian pengurusan berkaliber dan tahap profesionalisme supaya kita menjadi rujukan negeri lain.

"Penting untuk kita memastikan setiap yang dilaksanakan memberi dampak bukan sahaja kepada organisasi tetapi turut menjadi cerminan kepada diri masing-masing," katanya.

Beliau yang diiringi Setiausaha Kerajaan Negeri Dato' Setia Haris Kasim menyampaikan semua anugerah berkenaan di sebuah hotel di sini pada 10 Mac.

RM5 juta tampung kos rawatan

SHAH ALAM - Dana RM5 juta disediakan pada tahun ini bagi menampung kos rawatan kesihatan rakyat melalui Bantuan Sihat Selangor (BSS), kata Dato' Menteri Besar Dato' Seri Amirudin Shari.

Katanya, bantuan kepada golongan kurang berkemampuan itu meliputi rawatan dialisis buah pinggang, katarak mata, pembedahan kecil, kaki palsu dan alat perubatan di hospital kerajaan.

"Alhamdulillah, BSS telah membantu ramai rakyat dengan setiap penerima boleh mendapat bantuan kewangan sehingga RM5,000," kata beliau di Facebook pada 8 Mac.

Amirudin menjelaskan pentadbiran negeri turut menyediakan program berkaitan antaranya Selangor Saring bagi memudahkan orang ramai membuat periksaan kesihatan secara percuma.

"Kerajaan Negeri bertekad memastikan kesihatan rakyat Selangor terjaga dan inisiatif ini sangat penting agar kehidupan berkualiti tercapai," katanya.

Pengajian pradiploma pelajar B40

SHAH ALAM - Universiti Teknologi Mara (UiTM) menawarkan pengajian pradiploma kepada anak Selangor dalam kalangan keluarga berpendapatan rendah (B40).

Naib Canselornya Datuk Dr Shahrin Sahib @ Sahibuddin berkata tawaran tersebut bertujuan memberi peluang kedua kepada individu yang tidak mendapat tempat ke peringkat tertinggi.

"Rata-ratanya mereka yang sambung ke peringkat pradiploma memperoleh keputusan cemerlang.



Melalui laluan ini, pelajar boleh meneruskan pengajian mereka ke peringkat lebih tinggi.

"UiTM paling besar entiti di Selangor dan gagasan kami mahu melahirkan bumiputera profesional," katanya selepas membuat kunjungan hormat ke kediaman rasmi Dato' Menteri Besar di sini pada 8 Mac.

Menurut Datuk Dr Shahrin Sahib @ Sahibuddin, maklumat lanjut program ditawarkan boleh diperoleh menerusi laman sesawang UiTM.

Dr Shahrin turut berterima kasih atas kesudian Dato' Seri Amirudin

Shari menerima kunjungan wakil UiTM bagi membincangkan beberapa perkara.

Jelasnya, antara hal lain yang dibincangkan adalah pemerkasaan Pendidikan Teknikal dan Latihan Vokasional (TVET) serta pembangunan ilmu di Selangor.

"Kita turut membincangkan dengan Dato' Menteri Besar berhubung mahu meningkatkan tahap kecekapan dan kemahiran anak-anak Selangor.

"UiTM juga merangka beberapa tindakan susulan supaya dapat terus bekerjasama lebih erat dengan Kerajaan Negeri dan agensi di bawahnya," katanya.

Seru penjawat awam teruskan momentum

Bersama tingkat kecemerlangan

Oleh SHEEDA FATHIL

SHAH ALAM - Semangat berpasukan penting bagi meneruskan momentum kecemerlangan seterusnya memastikan segala dasar negeri dijayakan sebaik-baiknya, kata Dato' Menteri Besar.

Dato' Seri Amirudin Shari menegaskan amalan sedemikian penting berikutnya semua perancangan yang dirangka perlu digerakkan bersama, bukan dilakukan berasingan.

"Kita tidak mahu tindakan berasingan sebaliknya ambil pandangan kelompok atau berpasukan, tidak boleh melulu keseorangan dan memecahkan kerangka yang dibuat bersama," katanya.

Beliau berucap ketika merasmikan Anugerah Perkhidmatan Cemerlang (APC) 2023 dan Anugerah Jasamu Dikenang (AJD) 2024 Pentadbiran Setiausaha Kerajaan Negeri di sini pada 9 Mac.

Amirudin menambah perbincangan boleh diadakan jika wujud perbezaan pandangan, bukan membuat sabotaj

hingga menjasaskan keseluruhan perancangan masa depan.

"Jika ketua jabatan ada pandangan sendiri, kita ada ruang untuk bertemu, bukan dengan cara sabotaj atau mendedahkan perkara bukan-bukan kepada pihak tidak berkaitan," katanya.

Beliau juga bercadang bertemu setiap lapisan penjawat awam selepas perayaan Aidilfitri supaya mereka benar-benar memahami dasar dan menyebarkannya kepada seluruh masyarakat.

Kemudahan galak pelabur baharu

SHAH ALAM - Selangor negeri pertama menyediakan kemudahan khas kepada bakal pelabur untuk membuat penelitian sebelum membuat keputusan perniagaan di negeri ini.

EXCO pelaburan menjelaskan mereka ditawarkan sokongan ekosistem perniagaan, ruang kerja, pembangunan bakat dan kediaman di beberapa hotel terkemuka pada harga berpatutan.

Namun, Ng Sze Han memberitahu Pendaratan Pelaburan Selangor, program rintis yang diadakan antara 1 Mac hingga

31 Disember terhad, kepada 38 syarikat baik dalam mahupun luar negara.

Katanya, keutamaan diberi kepada syarikat elektrik dan elektronik, makanan dan minuman, sains hayat, pengangkutan, peralatan mesin, perkhidmatan logistik serta pelaburan digital.

"Ramai berminat untuk melabur di sini tetapi mereka tidak mengetahui keseluruhan ekosistem perniagaan. Jadi, ini langkah memperkenal negeri selain meraih kehadiran mereka," katanya.

Sze Han menambah idea pengaju-

ran program hasil maklum balas pelabur ketika pengajuran Sidang Kemuncak Perniagaan Antarabangsa Selangor (SIBS) pada Oktober tahun lalu.

"Program ini menggalakkan pertumbuhan pelabur baharu. Kita yakin projek ini berjaya. Sejak dibuka lima hari lalu, beberapa syarikat menyatakan minat untuk serta," katanya.

Maklumat lanjut program berkenaan di laman sesawang www.investselangor.my atau e-mel kepada investselangor@investselangor.com

Hulu Selangor, Gombak, Petaling, Shah Alam, Hulu Langat dan Sepang

	Imsak	Subuh	Syuru'	Zuhur	Asar	Maghrib	Isyak
14 Khamis	6:03	6:13	7:18	1:25	4:34	7:27	8:36
15 Jumaat	6:02	6:12	7:18	1:25	4:33	7:27	8:35
16 Sabtu	6:02	6:12	7:17	1:25	4:32	7:26	8:35
17 Ahad	6:01	6:11	7:17	1:24	4:32	7:26	8:35
18 Isnin	6:01	6:11	7:17	1:24	4:31	7:26	8:35
19 Selasa	6:01	6:11	7:16	1:24	4:30	7:26	8:35
20 Rabu	6:00	6:10	7:16	1:23	4:29	7:26	8:35

Klang dan Kuala Langat

Imsak	Subuh	Syuru'	Zuhur	Asar	Maghrib	Isyak
6:03	6:13	7:19	1:26	4:34	7:27	8:36
6:03	6:13	7:19	1:25	4:33	7:27	8:36
6:02	6:12	7:18	1:25	4:32	7:27	8:36
6:02	6:12	7:18	1:25	4:32	7:27	8:36
6:01	6:11	7:17	1:24	4:30	7:26	8:35
6:01	6:11	7:17	1:24	4:29	7:26	8:35

Sabak Bernam dan Kuala Selangor

Imsak	Subuh	Syuru'	Zuhur	Asar	Maghrib	Isyak
6:05	6:15	7:20	1:27	4:37	7:29	8:38
6:04	6:14	7:20	1:27	4:36	7:29	8:38
6:04	6:14	7:19	1:27	4:35	7:29	8:38
6:04	6:14	7:19	1:27	4:34	7:29	8:37
6:03	6:13	7:18	1:26	4:33	7:28	8:37
6:03	6:13	7:18	1:26	4:32	7:28	8:37
6:03	6:13	7:18	1:26	4:31	7:28	8:37



MERIAH... EXCO Keusahawanan Najwan Halimi merasmikan Festival Ramadan Selangor 2024 (Sedekad Festira) di pusat beli-belah SACC, Shah Alam pada 12 Mac. Turut hadir Ketua Pegawai Eksekutif Kumpulan Perbadanan Kemajuan Negeri Selangor (PKNS) Dato' Mahmud Abbas (kiri) dan Ketua Pegawai Eksekutif PKNS Real Estate Fakru Radzi Ab Ghani (dua, kanan). Foto HAFIZ OTHMAN

Pengguna setia menang telefon pintar

Aplikasi CEPat jadi pilihan

Oleh FITRI HAZIM HAZAM

GOMBAK - Pengguna aplikasi pembayaran berpusat Citizen E-Payment (CEPat) tidak menyangka kesetiaan menggunakan wadah itu sejak 2020 membawanya memenangi telefon bimbit iPhone 15 Pro.

Tan Beng Kiat, 55, berkata aplikasi yang dibangunkan Smart Selangor Delivery Unit (SSDU) itu menjadi pilihan utama beliau untuk membayar bil, cukai dan memperbaharui lesen.

"Tidak perlu lagi beratur panjang di kaunter kerana ia menawarkan pelbagai perkhidmatan. Aplikasi ini mudah dan pantas," katanya sambil menyarankan orang ramai segera menggunakanannya.

Ekssekutif produksi sebuah syarikat perkilangan itu menerima hadiah yang disampaikan Dato' Menteri Besar Dato' Seri Amirudin Shari di pusat beli-belah Melawati di sini pada 10 Mac.

Pengarah Urusan SSDU Ahmad Akmal Hamzah pula menjelaskan seramai 37 pemenang hadiah yang ditawarkan sepanjang tiga bulan peraduan mulai 29 November 2023 hingga 29 Februari tahun ini.

Beliau memberitahu pemenang terdiri daripada pembayar transaksi tertinggi untuk aneka perkhidmatan

antaranya kompaun kenderaan dan sewaan tapak.

"Pemenang utama merekod 130 jumlah transaksi berjaya manakala 36 pemenang lagi menerima telefon pintar jenama Honor," katanya.

Ahmad Akmal berkata aplikasi CEPat yang dibangunkan pada 2019 mencatat 2.5 juta transaksi melibatkan 218,000 pengguna setakat Februari.

Katanya promosi bersama pihak berkuasa tempatan dan agensi kerajaan dipergiat untuk menarik lebih ramai pengguna berdaftar.

"Angka ini menunjukkan peningkatan menggalakkan berbanding setakat Februari tahun lalu yang mencatat bilangan pengguna sebanyak 103,000 manakala rekod transaksi pula 1.4 juta.

"Kita sasar 300,000 pengguna tahun ini. SSDU juga menganjurkan peraduan berserta pengiklanan di laman media sosial rasmi kami untuk mencapai sasaran," katanya.

Dilancar pada 1 Ogos 2019, CEPat menawarkan 62 jenis perkhidmatan termasuk kemudahan permohonan lesen, bayaran cukai taksiran, kompaun, parkir dan bayaran bil utiliti.

Transaksi tanpa tunai tersebut boleh dimuat turun melalui PlayStore bagi pengguna Andorid dan AppStore bagi iOS.

Bentang pelan jajaran rel tahun ini

KUALA SELANGOR - Segala usaha ditumpukan kepada pembangunan wilayah utara negeri ini dengan menjayakan Jajaran Rel Kita Selangor, kata Dato' Menteri Besar Dato' Seri Amirudin Shari.

Beliau juga menjelaskan perbincangan giat dijalankan bersama Kementerian Pengangkutan manakala pelan keseluruhan pembinaan kereta api itu dijangka dibentang pada tahun ini.

"Pada penggal ini, saya mahu melaksanakan Jajaran Rel Kita Selangor, sekurang-kurangnya kemudahan pengangkutan awam berkenaan sampai ke Kuala Selangor.

"Saya sedang adakan perbincangan dengan kementerian dan tuan-tuan boleh duduk di sini dan bekerja di Kuala Lumpur dengan jarak perjalanan hanya satu jam," katanya baru-baru ini.

Sebelum ini, Kerajaan Negeri mengumumkan pembinaan jaringan kereta api yang bermula dari Klang ke Kuala Selangor, Tanjung Karang, dan Sabak Bernam.

Selain itu, ia juga menghubungkan jajaran rel di Lapangan Terbang Antarabangsa Kuala Lumpur (KLIA) ke Tanjung Sepat dan Sungai Pelek agar Wilayah Pantai Barat Selangor menjadi Koridor Perkhidmatan Rel.

GAMUDA LAND

GAMUDA COVE

ENSO WOODS

RUMAH TERES 2 DAN 3 TINGKAT

GAMUDA LAND

Rumah Teres Berkonsepkan Minimalis Jepun

Berpagar Dan Bersekuerti

5 Pilihan Susun Atur Fleksibel

Berdekatkan Dengan Taman Tema Air SplashMania Dan Discovery Park

Akses Terus Ke Lebuhraya ELITE

Unit Bumiputera & Potongan Harga Bumiputera 7%

Enso Woods merupakan definisi baru rumah teres bertaraf berinspirasikan kehidupan minimalis Jepun. Dengan lokasinya di tengah-tengah bandar lengkap dengan jalur lebar 5G, Enso Woods mengimbangi kehidupan tenang alam semula jadi bersama kehidupan urban yang mengasyikkan.

Hubungi sekarang untuk memiliki kediaman laman Jepun anda.

Sincere™ Responsible Original

GAMUDA LAND (T12) SDN BHD
Innovative Homes. Sustainable Lives.
Gardens Cross Seri Petaling,
47200 Kuala Lumpur, Malaysia

FARCI WORLD PRIX D'EXCELLENCE AWARDS
THE EDGE
A POLL 2023

gamacove.com.my
03 9212 0455

Pelaburan ICT tumbuh 39 peratus

SHAH ALAM - Pelaburan negeri dalam industri teknologi maklumat dan telekomunikasi (ICT) terus mencatat pertumbuhan memberangsangkan iaitu 39 peratus sepanjang tahun lalu.

EXCO Pelaburan Ng Sze Han berkata lima peratus dicatat pada suku pertama tahun lalu diikuti suku kedua (15 peratus) dan terakhir 39 peratus (suku ketiga).

"Berdasarkan aliran ini, pertumbuhan itu menggambarkan sektor ekonomi digital perlu diberi penekanan bagi memastikan perkembangan ekonomi yang mampan di Selangor," katanya pada 7 Mac.

Beliau menambah Kerajaan Negeri mengadakan pelbagai inisiatif dalam membangunkan ekonomi digital bawah Rancangan Selangor Pertama termasuk bekerjasama dengan pelbagai agensi berkaitan.

Perbaiki program kesihatan mental

SHAH ALAM - Kerajaan Negeri menambah baik program Selangor Mental Sihat (Sehat) dengan memperkenal rawatan psikologi klinikal sejak Oktober tahun lalu.

EXCO Kesihatan Awam Jamaliah Jamalluddin berkata subsidi rawatan psikiatri dan psikologi sejak 2021 antara usaha memperkasa penjagaan kesihatan mental dalam kalangan penduduk.

"Mulai 2022, pentadbiran negeri menambah baik program SEHAT dengan memperkenal subsidi rawatan psikiatri dan psikologi kepada individu memerlukan rawatan."

"Manakala subsidi rawatan psikiatri ini juga diperluas kepada psikologi klinikal pada Oktober 2023," kata beliau pada 5 Mac.

Lantikan ketua kampung April

SHAH ALAM - Pelantikan ketua kampung tradisi bagi penggal baharu bakal dimukamad menjelang April, kata EXCO Kemajuan Desa Datuk Rizam Ismail.

Beliau juga menegaskan perkara tersebut tidak menimbulkan sebarang masalah kepada orang ramai memandangkan tempoh perkhidmatan ketua kampung sedia ada telah dilanjutkan sehingga 31 Mac.

"Daripada segi kesinambungan kepimpinan pada peringkat kampung, saya ingin memberi jaminan tiada isu dalam hal ketidaaan ketua kampung pada masa ini."

"Kita harap perkara ini diselesaikan dalam masa terdekat," katanya dalam sesi penggulungan di Dewan Negeri Selangor pada 4 Mac.

Rizam berkata Kerajaan Negeri turut melaksanakan kerjasama erat dengan Majlis Amanah Rakyat, Giatmara dan Jabatan Kemajuan Masyarakat untuk pembangunan pendidikan dan keusahawanan luar bandar.

Sasar pelaburan RM50 billion realistik

SHAH ALAM - Sasaran nilai pelaburan RM50 bilion bagi tahun ini realistik, sesuai keadaan semasa berdasarkan perkembangan ekonomi negeri, kata EXCO Pelaburan Ng Sze Han.

Beliau menjelaskan unjuran itu tidak terhenti kepada angka tersebut sebaliknya diteliti sebaik-baiknya supaya pentadbiran negeri menjalankan kerja dengan baik dan berkesan.

"Kita perlu letak sasaran realistik seperti negara jiran iaitu Singapura termasuk pelaburan luar antaranya China. Ini tidak bermakna sasaran terhenti se-

takat RM50 bilion.

"Buat masa ini, baru hendak mencapai suku pertama 2024 dan jika perkembangan atau pertumbuhan ekonomi meningkat, kita akan ubah berbanding yang ditetapkan tahun ini," katanya pada 7 Mac.

Menjawab soalan dalam sidang Dewan Negeri Selangor, Sze Han berkata industri tumpuan bagi mencapai sasaran itu meliputi sains hayat, makanan dan minuman, elektrik dan elektronik serta semikonduktor.

Beliau menambah tumpuan terhadap

sektor aeroangkasa dan rantaian bekalan juga terus dipergiat membabitkan kerjasama lebih kukuh bersama pemegang taruh dan pemain industri.

Sebelum ini, Dato' Menteri Besar Dato' Seri Amirudin Shari memaklumkan nilai pelaburan 2024 disasar sehingga RM50 bilion berikut perkembangan ekonomi dan pembukaan beberapa sektor.

Beliau juga menjelaskan sasaran berkenaan meningkat RM5 bilion berbanding nilai perolehan yang diterima sepanjang 2023 iaitu RM45 bilion.

3,850 individu terima RM1,000

Saran teruskan inisiatif ibu bekerja

OLEH NAS NORZIELA NASBAH

AMPANG JAYA - Seramai 3,850 ibu bekerja di Selangor menerima insentif MamaKerja berjumlah RM1,000 seorang bagi meringankan beban kos penjagaan anak-anak, kata EXCO pembangunan wanita.

Menjelaskan baki 1,745 pemohon lagi masih diteliti, Anfaal Saari menjelaskan tinjauan mendapati kos penjagaan anak diakui cabaran terbesar bagi ibu bekerja iaitu 61 peratus.

Katanya, 13.7 peratus respondan

berpandangan masa kerja tidak anjal menyukarkan kehidupan mereka manakala 13.6 peratus memberi penekanan kepada mutu jagaan dan keselamatan anak-anak.

"Susulan sambutan yang menggalakkan, saya akan cadangkan kepada Dato' Menteri Besar agar Insentif MamaKerja diangkat sebagai program tahunan dalam Belanjawan Negeri 2025," katanya.

Beliau berkata demikian sempena sambutan hari wanita peringkat negeri di Padang Perbandaran Majlis Perbandaran Ampang Jaya (MPAJ) pada 10 Mac.

Turut hadir, Timbalan Menteri Kementerian Perumahan dan Kerajaan Tempatan Datuk Aiman Athirah Sabu dan Yang Dipertua MPAJ Dr Ani Ahmad.

Anfaal memaklumkan pihaknya akan meneliti amalan terbaik aturan waktu kerja anjal manakala Wanita Berdaya Selangor akan menyediakan garis panduan dan menjalankan program advokasi.

"Saya yakin dan pasti bahawa langkah ini bukan sahaja membantu wanita yang bekerja tetapi juga berupaya menggalakkan golongan berkenaan kembali bekerja," katanya lagi.

Pantau dakwah dalam talian

SHAH ALAM - Jawatankuasa khas ditubuh bagi memantau kegiatan dakwah dalam talian yang bertentangan dengan enakmen, fatwa dan undang-undang syariah negeri, kata EXCO Agama Islam.

Dr Mohammad Fahmi Ngah menjelaskan jawatankuasa kendalian Majlis Agama Islam Selangor (Mais) turut dianggotai polis dan Suruhanjaya Komunikasi dan Multimedia Malaysia (SKMM).

"Soal penguatkuasaan bahan dakwah (termasuk kegiatan dakwah) secara dalam talian sedang diteliti Mais dengan penubuhan jawatankuasa khas yang melihat kepada pelbagai perkara.

"Ini termasuk jika alamat protokol internet (IP) di luar (Selangor). (Mais teliti) kaedah bagaimana mengekang dan mengawalnya melalui penubuhan jawatankuasa khas," katanya pada 7 Mac.

Dr Fahmi berkata Jabatan Agama Islam Selangor (Jais) menyediakan silibus akidah di sekolah rendah dan menengah seliaannya bagi memperkuuh akidah Ahli Sunnah Wal Jamaah.

"Jabatan itu juga membuat pencelahan dalam isu dan masalah berkaitan pegangan akidah Islam yang dihadapi dalam kes rumah tangga dan kekeluargaan melalui pegawai runding cara," katanya.

DNS lulus RUU enakmen MBDK

SHAH ALAM - Rang Undang-undang (RUU) Enakmen Majlis Bandaraya Diraja Klang (MBDK) 2024 diluluskan di Dewan Negeri Selangor, kata EXCO Kerajaan Tempatan Dato' Ng Suee Lim.

Menurut Suee Lim, kelulusan itu bagi membenarkan penukaran gelaran selain perkara lain daripada pengurnian taraf perbandaran kepada bandar raya berkuat kuasa 23 November lalu.

"RUU ini bertujuan menukar gel-

ran perbandaran kepada bandar raya mengikut peruntukan bawah Akta Kerajaan Tempatan 1976 (Akta 171).

"Oleh itu, RUU ini dibuat dengan tujuan untuk mengekalkan kuasa, kewajipan dan keistimewaan, pemegang jawatan sewaktu taraf perbandaran di-naikkan kepada bandar raya," katanya.

Kelulusan tersebut diumum Speaker Dewan Negeri Selangor Lau Weng San selepas dibaca Suee Lim sebanyak tiga kali pada 6 Mac.

Februari lalu, Duli Yang Maha Mulia Sultan Selangor Sultan Sharafuddin Idris Shah Alhaj berkenan menyempurnakan istiadat pengisytiharan Klang dari perbandaran kepada bandar raya.

Baginda berkenan melafazkan pengisytiharan dan mengumumkan pelantikan Datuk Paduka Noraini Roslan sebagai datuk bandar berkuat kuasa 23 November lalu.

PENYERAHAN 28 UNIT SKIM SMART

RUMAH BANDAR, SELINDUNG DAUN

LEMBAGA PERUMAHAN DAN HARTANAH SELANGOR



Borhan menyaksikan penyerahan replika kunci oleh Pengarah Urusan Kumpulan Gagasan Nadi Cergas Wan Azman Wan Kamal kepada Pengarah Eksekutif LPHS Dato' Dr Juhari Ahmad (kanan) dalam majlis Penyerahan Kunci Rumah Selangorku Selindung Daun di Hulu Selangor pada 10 Mac. Foto FIKRI YUSOF

Tawar kadar bulanan RM700

Rumah Smart Sewa ditambah

Oleh FITRI HAZIM HAZAM

HULU SELANGOR - Sebanyak 28 unit rumah Selangorku PPAM Selindung Daun, Ulu Yam di sini yang bernilai RM2.8 juta dibeli Lembaga Perumahan dan Hartanah Selangor (LPHS) bagi melaksanakan Skim Smart Sewa.

EXCO Perumahan Borhan Aman Shah berkata kadar sewa RM700 sebulan ditawarkan untuk membantu orang ramai yang belum memiliki rumah atau sukar mendapat pembiayaan pinjaman.

Beliau menjelaskan kediaman teres dua tingkat berkeluasan 1,035 kaki persegi di kawasan itu dipilih berikutan kemudahan dan lokasi strategik berhampiran pusat bandar.

"Kos setiap unit RM100,000 dibina pemaju Nadi Cergas berkonsep rumah bandar dan dilengkapi tiga bilik tidur serta kawasan lapang di tepi halaman rumah untuk kegiatan ber-cucuk tanam."

"Had tempoh sewaan antara dua hingga lima tahun dan 30 peratus dari jumlah keseluruhan sewaan akan dipulangkan kepada penyewa untuk deposit pembelian kediaman baharu," katanya.

Beliau berkata demikian selepas

majlis penyerahan kunci rumah berkenaan di Galeri Jualan Persiaran Selindung Daun di Jalan Ulu Yam Bharu di sini pada 10 Mac.

Borhan menambah mereka yang layak memohon mestilah mempunyai pendapatan isi rumah antara RM5,000 hingga RM10,000 ke bawah, pasangan baru berkahwin dan kurang berkecimpuan.

"Permohonan dibuka dalam tempoh terdekat di laman sesawang LPHS dan sesi temu duga dijalankan selepas pendaftaran dibuat untuk melihat kelebihan pemohon," katanya.

Merujuk kawasan tersebut, beliau menjelaskan, program yang diperkenalkan sejak 2016 menyediakan 200 unit untuk disewa di Setia Alam dan berbaik 15 unit lagi yang masih kosong.

"Banyak lagi projek perumahan di Shah Alam yang dirancang untuk itu. Selain Shah Alam, lokasi lain turut dalam perhatian termasuk Hulu Langat, Selayang dan Ampang," katanya.

Borhan berkata Kerajaan Negeri menyaraskan penyediaan sehingga 3,000 unit Skim Smart Sewa menjelang 2025 bagi membantu rakyat berpendapatan sederhana menyewa rumah.

Sebanyak 1,377 unit dibeli LPHS untuk tujuan itu, dengan 852 unit disewakan sehingga kini.

Bina 200,000 rumah menjelang 2029

SHAH ALAM - Lebih 200,000 unit Rumah Selangorku akan dibina menjelang 2029, kata EXCO Perumahan Borhan Aman Shah.

Beliau memberitahu sebanyak 40,951 unit dijangka dilancar pada tahun ini manakala 17,225 unit lagi dalam pembinaan bertujuan membantu lebih ramai penduduk memiliki kediaman selesa.

"Pembinaan sekarang sebanyak 17,225 unit diikuti lebih 12,000 dalam masa terdekat. Pada hujung tahun ini, kita sasaran capai 40,951 unit. Ini matlamat untuk menyediakan rumah mampu milik.

"Kita ada dasar Rumah Selangorku dan Rumah Idaman yang mahu memberi ke-selesaan kepada rakyat," katanya ketika menjawab soalan dalam sidang Dewan Negeri Selangor pada 6 Mac.

Tambah Borhan, Kerajaan Negeri menyediakan tujuh inisiatif perumahan melalui Lembaga Perumahan dan Hartanah Selangor antaranya Rumah Selangorku, Insentif Galakan Pembinaan Rumah Mampu Milik dan Skim Ceria.

Sebelum ini, Dato' Menteri Besar Dato' Seri Amirudin Shari berkata dasar perumahan mampu milik bertujuan memastikan setiap rakyat memiliki kediaman selesa dan selamat.

KILANG BERKEMBAR

3 TINGKAT Untuk Dijual



PERDANA
INDUSTRIAL PARK

@ PUCHONG



* Gambar adalah untuk tujuan ilustrasi sahaja

BUMIPUTERA DISKAUN 10%

Keluasan Tanah dari 9,100 k.p.

Keluasan Binaan 7,585 k.p.

Harga dari
RM4,980,000.00

016-661 1794



2.9438611,
101.6018333

Permaju :

PERIKATAN PROGRESIF SDN BHD

198501004363 (136802-U)



- Berhadapan dengan jalan utama
- Lokasi yang strategik
- Berdekatan dengan Cyberjaya, Putrajaya dan Pusat Bandar Puchong
- Dikelilingi dengan kedai, sekolah, restoran, stesen minyak, klinik, pusat membeli-belah dan lain-lain kemudahan awam

Pejabat Jualan :
GF-13, IOI Business Park, No.1, Persiaran Puchong Jaya Selatan, Bandar Puchong Jaya, 47100 Puchong, Selangor.

Gambar merupakan karya pelukis semata-mata dan semua ukuran adalah secara anggaran. Informasi yang terkandung di sini adalah tertakluk kepada perubahan dan tidak boleh dianggap sebagai jaminan daripada sesuatu tawaran atau kontrak. Permaju tidak boleh dipertanggungjawabkan jika terdapat sebarang bantuan yang tidak tepat.

Bayaran e-baucar SMUE mulai April

SHAH ALAM - Kaedah penebusan bantuan Skim Mesra Usia Emas (SMUE) dibuat melalui e-baucar menggunakan aplikasi khas mulai April depan, kata EXCO Kebajikan Masyarakat Anfaal Saari.

Beliau memberitahu pelaksanaan terbaharu itu bertujuan memudahkan penerima mendapat hak mereka berbanding kaedah lama yang perlu dituntut di pejabat wakil rakyat atau penyelaras.

"Kerajaan Negeri dalam proses penyelarasan ke arah pendigitalan. Mulai April, kita mulakan proses pendaftaran dan pengesahan manakala penebusan pula melalui konsep e-baucar."

"Tatakelola penebusan pula hanya boleh dilakukan penama sah sahaja," katanya dalam sidang Dewan Negeri Selangor pada 6 Mac.

Anfaal menambah pihaknya juga meminta Yayasan Warisan Anak Selangor (Yawas) untuk menyelesaikan agihan baucar kepada penerima bantuan di kawasan Dewan Undangan Negeri pembangkang.

Sedia 35,000 peluang kerja

SHAH ALAM - Kira-kira 35,000 peluang pekerjaan disediakan kepada penduduk Selangor melalui program Jelajah JobCare sepanjang tahun lalu, kata EXCO sumber manusia V Papparaidu.

Beliau menjelaskan inisiatif berkenaan membantu orang ramai untuk memperoleh kerja bersesuaian menerusi pelbagai sektor yang ditawarkan majikan dalam sebuah masyarakat setempat.

"Program tersebut dilaksanakan di setiap daerah bersama Pertubuhan Kebajikan Sosial anjuran Unit Pemberdayaan Pekerja Selangor."

"Pencari kerja berpeluang menerokai potensi diri dengan mengisi kekosongan jawatan yang ditawarkan majikan dalam kawasan komuniti daerah," katanya lagi pada 4 Mac.

Baiki Jalan Teluk Piah Kanan

SHAH ALAM - Sebahagian Jalan Teluk Piah Kanan di Kuala Selangor ditutup bagi memberi laluan kepada kerja membaik pulih dan turapan sehingga 30 April, maklum Infrasel Sdn Bhd (Infrasel).

Syarikat penyelenggara jalan negeri itu menerusi Facebook menjelaskan pembaikan mulai 10 malam hingga 6 pagi menggunakan kaedah CIPR dan kerja berkaitan oleh Kumpulan Semesta Sdn Bhd.

"Laluan terlibat dalam kerja pembaikan akan ditutup sementara kepada semua kenderaan bagi menjamin keselamatan serta kelancaran pengguna jalan raya."

"Pengguna diarahkan untuk mematuhi arahan papan tanda keselamatan di lokasi berkenaan," katanya pada 8 Mac.

Tingkat kesedaran keselamatan siber

SHAH ALAM - Program Komuniti Selamat Bersepadu yang bertujuan meningkatkan kesedaran keselamatan siber dalam kalangan murid diadakan meliputi sembilan daerah pada tahun ini.

EXCO pembangunan wanita berkata program tersebut dijayaikan dengan kerjasama Suruhanjaya Komunikasi dan Multimedia Malaysia serta Lembaga Penduduk dan Pembangunan Keluarga Negara.

Anfaal Saari menjelaskan murid bakal diberi kesedaran keselamatan siber serta sentuhan selamat dan tidak selamat dalam program yang dijalankan secara berperingkat selepas April.

"Selain itu, program termasuk lukisan mural di dinding dengan meletak

nomor telefon sesiapa yang perlu dihubungi jika berlaku kesentuhan tidak selamat atau gangguan seksual.

"Pada peringkat Jabatan Kebajikan Masyarakat, program ini bermula sejak tahun lalu di satu daerah dan tahun ini akan diteruskan di sembilan daerah di Selangor."

"Dijangka April ini (selepas Aidilfitri) akan kenal pasti sekolah yang akan bergabung di setiap daerah," kata dalam sidang media di Dewan Negeri Selangor pada 7 Mac.

Wakil rakyat Subang Jaya Michelle Ng pula mencadangkan Seksyen 317



Kanun Keseksaan berkaitan keselamatan menyembunyikan kelahiran bayi dengan niat membuatnya dikaji semula.

"Ia bagi melihat sama ada sistem sedia ada berkesan (dalam mengelak kes pembuangan bayi) dan jika ada ruang untuk penambahbaikan. Inilah masa untuk melaksanakannya."

"Saya tegaskan, kami tidak menyokong tindakan pembuangan bayi. Yang diharapkan supaya sistem ini dilihat semula secara holistik," katanya.

Michelle sebelum ini berkongsi di Facebooknya mengenai penemuan bayi kawasan Court 4, Subang Jaya dan pihaknya memantau dekat kes berkenaan.

Atasi kemelut 30 tahun

36 keluarga ditawar Rumah Selangorku

Oleh ZAREEF MUZAMMIL

SHAH ALAM - Kerajaan Negeri menyerahtarkan surat tawaran Rumah Selangorku kepada 36 penduduk rumah panjang Kampung Bunga Raya yang berdepan perintah pengusiran mahkamah.



EXCO sumber manusia berkata tawaran itu melayakkkan mereka membeli kediaman mampu milik jenis A di Taman Alam Perdana, Puncak Alam berharga RM42,000 dengan mudah dan pantas.

V Papparaidu menjelaskan kunci rumah akan diserah selewat-lewat-

nya sebulan selepas proses bank selesai dan penduduk perlu menguruskannya sendiri.

"Sepertimana dijanjikan Khamis lalu (7 Mac), kita akan beri peluang kepada kesemua 118 yang tinggal di kawasan terbabit untuk beli Rumah Selangorku."

Hari ini, 36 yang sudah disaring dapat surat tawaran.

"Mereka tidak perlu menunggu lama untuk mendapatkan rumah dilengkapi tiga bilik dan dua bilik air. Hanya perlu isi borang serta diberi rumah dalam tempoh dua ke empat minggu selepas melalui proses bank," katanya dalam sidang media pada 11 Mac.

Papparaidu berkata tawaran tidak diberi kepada mereka yang memohon Rumah Selangorku sebelum ini kecuali

li kes kecemasan dan berharap semua pemohon mematuhi syarat ditetapkan Lembaga Perumahan Hartanah Selangor.

Rumah Panjang Kampung Bunga Raya merupakan penempatan sementara kepada 118 keluarga yang dipindahkan pada 1993 susulan projek perumahan Dahlia di Seksyen U5 di Shah Alam.

Kerajaan Negeri ketika itu meminta penduduk berpindah ke penempatan sementara rumah panjang tersebut yang merupakan tanah milik kerajaan negeri sebelum berjanji memberi penempatan baru.

Namun, baru-baru ini penduduk terkejut apabila kawasan rumah panjang itu telah dijual kepada syarikat pemaju swasta dan mengarahkan penduduk supaya berpindah tanpa memberikan sebarang penyelesaian alternatif.

Sasar dua juta pelancong asing

SHAH ALAM - Kira-kira dua juta pelancong antarabangsa disasar melawat negeri ini sempena Tahun Melawat Selangor pada tahun depan, kata ketua pegawai eksekutif Tourism Selangor.

Azrul Shah Mohamad menjelaskan pelancong terutama daripada Eropah lazimnya bercuti antara lapan hingga sembilan hari di Selangor, sama ada bersama keluarga atau tujuan perniagaan.

Katanya, lokasi tarikan mereka antara ny budaya Mah Meri di Kuala Langat, Kelip-kelip Kampung Kuantan di Kuala Selangor, Wings of Kuala Kubu Bharu dan berbasikal bukit di Hulu Selangor.

"Tarikan ini memberi tumpuan kepada ekopelancongan, gastronomi (pelancongan makanan), taman tema, pantai dan pusat peranginan," katanya dalam kenyataan pada 10 Mac.

Seramai 94,264 pelancong Eropah melawat Selangor pada 2022. United Kingdom merekod bilangan kedatangan tertinggi iaitu 20,639 orang diikuti Jerman (10,819 orang).

Azrul juga memaklumkan Tourism Selangor menyertai pameran pelancongan terbesar dunia Internationale Tourismus Borse untuk kali keenam di Berlin antara 3 hingga 8 Mac.

Beliau berkata penyertaan berkenaan membawa kepada kerjasama dua hala bersama Republik Czech, Estonia dan Discova, sebuah syarikat pengurusan destinasi global.

"Kerjasama ini dijangka menggerakkan siri promosi silang bagi lawatan ke Selangor dan pembangunan pakej pelancongan untuk pasaran berkaitan," katanya.

Misi yang diketuai Tourism Malaysia dan Persatuan Ejen Pelancongan dan Pengembangan Malaysia menghim-punkan lebih 10,000 pemain pelancongan membabitkan 185 negara.



Keluar
kemiskinan
hasil niaga
16



Jelajah
Madani erat
masyarakat
12813

Petua kenali Tuhan

Karya terakhir al-Ghazali sebelum menghembuskan nafas terakhir, antaranya Ramuan Kebahagiaan ditulis dalam bahasa Parsi pada awal abad ke-12.

Menulkirkan pengetahuan ilmuwan agung itu mengenai cara hidup Islam, perkara disentuh termasuk ibadah, kehidupan sosial, cara mengelak melakukan dosa dan petua menuju kebahagiaan.

Hujahnya, dengan melaksanakan perintah Allah SWT mengikut kemampuan, manusia akan tertarik ke dalam kimia kerohanian, sekali gus mengubah jiwa lebih zuhud kepada Tuhan. Sehubungan itu, ia memberi kebahagiaan.

Diterjemahkan ke banyak bahasa, versi terjemahan bahasa Inggeris bertajuk Alchemy of Happiness oleh Claud Field pada 1910 yang paling popular.

Kini, Inisiatif Buku Darul Ehsan (IBDE) dengan kerjasama Media Selangor Sdn Bhd menterjemah karya agung Hujjatul Islam itu menerusi projek Siri Pencerahan Selangor.


Memakai tajuk Ramuan Kebahagiaan untuk terjemahan, Pengarah Eksekutif IBDE Farhan Affandi bersama Anwar Yusof berkongsi pengalaman pada 8 Mac mengenai usaha bersama mereka menterjemah karya itu.

Kenapa pilih buku tulisan al-Ghazali?

Farhan: Dalam memilih menterjemah karya Imam al-Ghazali, IBDE mengambil kira beberapa faktor penting.

Sebelum ini, IBDE menterjemah lima karya al-Ghazali, dan kini sedang berusaha menterjemahkan mahakarya beliau iaitu Kitab Ihya Ulumuddin, yang dijangka siap pada 2026.

Namun, mengapa buku Alkimia Kebahagiaan dipilih dan mengapa hanya bahagian awal dari kitab ini yang



diterjemahkan? Imam al-Ghazali menulis buku ini sebagai respons terhadap permintaan kaumnya yang berbahasa Parsi.

Mereka meminta beliau menulis kitab yang serupa dengan Ihya Ulumuddin tetapi dalam bahasa mereka sendiri. Buku tersebut, yang dinamakan Alkimia Kebahagiaan, memiliki isi kandungan yang hampir serupa dengan Ihya Ulumuddin, tetapi lebih ringkas.

Meskipun begitu, Alkimia dimulai dengan pengantar tentang konsep Alkimia Kebahagiaan, yang dibahagi menjadi empat bab. Sebagai perbandingan, Ihya Ulumuddin dimulai dengan perbahasan tentang ilmu.

Dalam konteks ini, IBDE memilih menterjemah hanya bahagian pengantar buku ini sebagai representasi daripada keseluruhan isi

kandungannya. Hal ini dilakukan untuk menghindari pertindihan dengan perbahasan yang ada dalam Ihya Ulumuddin.

Dengan demikian, pemilihan untuk

menterjemah buku ini selari dengan tujuan IBDE untuk menyediakan akses yang lebih luas terhadap pemikiran Imam al-Ghazali kepada pembaca berbahasa Melayu.

Anwar: Imam al-Ghazali merupakan Hujjatul Islam. Semua bidang ilmu pengetahuan dikuasai oleh beliau. Oleh yang demikian, setiap karya beliau sangat menakjubkan kerana diolah daripada pelbagai dimensi keilmuan.

Bagaimana proses awal menterjemah buku ini?

Farhan: Proses awal menterjemah buku ini dimulai dengan cadangan salah seorang pembaca kami yang juga berminat untuk menterjemah buku tersebut.

Namun setelah kajian lanjut, kami sedar buku ini tidak ditulis dalam bahasa Arab seperti disangka, sebaliknya ditulis dalam bahasa Parsi.

Hal ini menuntut kami mencari buku asal dan terjemahan lengkap ke dalam bahasa Arab dan bahasa Inggeris.

Namun, dalam pencarian tersebut, kami menemukan terjemahan bahasa Arab yang tidak lengkap dan juga terjemahan bahasa Inggeris paling popular iaitu The Alchemy of Happiness karya Claud Field yang ternyata hanya rumusan.

Hal ini tidak sesuai dengan keinginan untuk mendapatkan terjemahan lengkap. Dengan tekad untuk mendapatkan terjemahan sesuai dengan keinginan, kami terus mencari sumber asal daripada buku ini, yang ditulis dalam bahasa Parsi.

Akhirnya, kami berjaya menemukan edisi terjemahan bahasa Inggeris lengkap, yang menjadi dasar bagi proses menterjemah buku ini ke bahasa Melayu. ►



Pemilihan untuk menterjemah buku ini selari dengan tujuan IBDE untuk menyediakan akses yang lebih luas terhadap pemikiran Imam al-Ghazali kepada pembaca berbahasa Melayu

FARHAN





Saya yakin dengan karya besar Imam al-Ghazali ini, pasti mampu mengimbangi pustaka keilmuan di dalam sanubari kita

ANWAR

Proses ini menunjukkan pentingnya penelitian memilih sumber terjemahan sesuai memastikan terjemahan dihasilkan memberi representasi tepat daripada teks asal kepada pembaca.

Anwar: Usaha menterjemah antara karya terakhir Imam al-Ghazali yang berjudul *The Alchemy of Happiness* ini dimulakan sejak penghujung 2021.

Oleh kerana buku ini mempunyai pelbagai versi terjemahan daripada pelbagai bahasa, kami memulakan penterjemahan ini daripada sumber umum dalam bahasa Arab terbitan Darul Muqattam edisi 2010 bertajuk *Kimiya Sa'adah* yang disunting oleh Abu Sahl dan Najah 'Iwadh Siyam.

Karya Imam al-Ghazali berbahasa Arab ini bersumberkan terbitan Percetakan Jundiy 1970 yang disunting Syeikh Muhammad Mustafa Abu al-'Ala.

Namun, setelah terjemahan daripada bahasa Arab berjaya diselesaikan, kami mendapat sumber yang terdapat di dalamnya kurang lengkap.

Pencarian kepada sumber utama lebih lengkap diteruskan selepas itu sehingga kami menemui dua terjemahan Kimia Kebahagiaan di dalam bahasa Inggeris berjudul *The Alchemy of Happiness* terbitan Routledge and Global Rey yang kedua-dua terbitan tersebut diterjemahkan oleh Claud Field.

Terjemahan berbahasa Inggeris tersebut walaupun sangat baik serta masyhur sejak diterjemahkan pada 1910, namun ia ringkas kepada Alkimia Kebahagiaan bersumberkan edisi bukan kritikal dalam bahasa Urdu.

Pencarian seterusnya berjaya menemui sumber terjemahan bahasa Inggeris yang juga bertajuk *The Alchemy of Happiness* oleh Jay R Crook (Md Nur) yang diterjemahkan pada 2008.

Buku ini boleh dianggap terjemahan paling dekat dengan karya asal kerana penterjemah berjaya menggabungkan dua edisi kritikal bersumberkan bahasa Parsi.

Yang pertama edisi kritikal oleh Prof Ahmad Aram diterbitkan pada 1941 dan yang kedua edisi kritikal oleh Dr Husayn Khadijah-Jam yang diterbitkan pada 1975M.

Apakah cabaran menterjemah karya sama ada dari segi bahasa dan lain-lain?

Farhan: Menterjemah sebuah karya, terutama daripada bahasa asalnya, pasti memiliki beberapa cabaran yang perlu dihadapi.

Dalam proses menterjemah buku ini, kami menghadapi beberapa cabaran, baik dari segi

bahasa maupun isi karya tersebut.

1. Bahasa asal - cabaran utama yang kami hadapi bahasa asal karya tersebut. Terjemahan daripada bahasa Parsi tentu saja memerlukan pemahaman mendalam tentang kosa kata, struktur kalimat, dan nuansa linguistiknya.

Ada beberapa istilah khusus yang tidak memiliki padanan langsung dalam bahasa Melayu, sehingga kami harus merujuk rakan kami dari Iran untuk mendapatkan pemahaman yang lebih baik.

2. Perbandingan dan contoh - karya Imam al-Ghazali seringkali menggunakan perbandingan dan contoh untuk menjelaskan konsep-konsep falsafahnya. Salah satu contoh yang disebutkan tentang anatomi tubuh.

Untuk memahami dengan baik dan memastikan kesesuaian terjemahan, kami harus mengambil masa untuk mempelajari anatomi tubuh agar tidak terjadi kesalahfahaman.

3. Kompleksiti konsep - perdebatan yang disajikan Imam al-Ghazali, terutama mengenai peranan jiwa dalam menguasai manusia kandungan yang sangat mencabar.

Konsep-konsep ini seringkali sangat halus/dalam dan memerlukan pemahaman mendalam untuk mengartikulasikannya dengan tepat dalam bahasa Melayu.

Ini memerlukan analisis cermat dan refleksi mendalam agar kehendak pengarang yang ingin disampaikan dapat difahami dengan jelas oleh pembaca.

Dengan menghadapi cabaran-cabaran ini, kami berusaha untuk memastikan bahawa terjemahan yang dihasilkan tetap setia pada makna asal karya Imam al-Ghazali, sehingga dapat memberi manfaat kepada pembaca.

Anwar: Seperti diterangkan sebelum ini, pencarian sumber asal terjemahan merupakan cabaran yang besar. Begitu juga dengan bahasa kerana sumber asalnya daripada bahasa Parsi. Jadi istilah yang digunakan sangat asing daripada bahasa Melayu.

Apa ilmu baharu yang diperoleh ketika proses terjemah karya itu?

Farhan: Sepanjang proses terjemahan karya ini, kami memperoleh beberapa pengetahuan baharu bermanfaat, terutama dalam hal kerohanian.

Anwar: Ilmu tentang pelbagai tingkatan alam dalam diri manusia

Berapa lama proses terjemahan?

Farhan: Proses terjemahan ini mengambil masa hampir sembilan bulan.

Apa pengajaran yang boleh dijadikan iktibar kepada pembaca?

Anwar:
Saya nukilkan pengajaran diambil daripada buku penterjemah asal bahasa

Inggeris Jay R Crook untuk tatapan pembaca: "Tidak ada yang lebih relevan pada masa kini daripada terjemahan karya Islam yang luar biasa ini oleh Imam al-Ghazali dengan dua alasan:

Pertama, hasil kajian terkini mengenai perubatan-psikologi dan kepercayaan agama mengesahkan bahawa model agama berfungsi dalam proses penyembuhan, oleh itu tradisi hikmah ini perlu diterjemahkan untuk digunakan oleh semua penyelidik serta pembaca agar dapat memanfaatkannya dan menggunakan ilmu tersebut untuk bidang-bidang penyelidikan lanjut.

Kedua, pada masa di mana dunia bingung dengan kepercayaan yang berbeza-beza dalam kalangan umat Islam dan tertarik untuk mengkaji apa yang kebanyakan umat Islam di dunia percayai, karya-karya Imam al-Ghazali menyediakan peluang yang sempurna untuk itu."

Apakah kisah yang beri kesan emosi?

Anwar: Di dalam tajuk Pengetahuan tentang Dunia, Imam al-Ghazali menukilkan suatu cerita tentang sihir dunia ini: "dikisahkan bahawa dunia akan dipanggil pada Hari Kiamat dalam bentuk seorang perempuan tua yang hodoh, tidak bergigi, bermata hijau agar semua orang dapat melihatnya dan berkata:

"Kami berlindung pada Allah! Apakah ini, dengan keaiban dan kehodohan ini?" Mereka akan menjawab: "Inilah dunia yang kerananya kalian iri hati dan saling berkelahi, menumpahkan darah dan mengkhianati tali persaudaraan. Inilah yang menambat hati kalian!"

Pada saat ia dicampakkan ke dalam neraka, ia akan menangis: "Wahai Tuhan! di mana para kekasihku?" Maka Allah akan memerintahkan agar mereka juga dihumban ke dalam neraka selepasnya."

Apa bahagian paling menarik dalam buku ini?

Anwar: Tajuk pertama dan kedua iaitu Mengenal Diri Sendiri dan Mengenal Allah SWT berdasarkan petikan Imam al-Ghazali sendiri di dalam buku ini: "Siapa yang kenal dirinya maka dia akan kenal Tuhaninya."

Mengapa setiap rumah perlu ada buku ini?

Anwar: Bagi yang benar-benar mencintai buku dan ilmu pengetahuan, cuba lihat kembali rak-rak buku di rumah, berapa banyak karya-karya kerohanian yang menjadi simpanan kita. Saya yakin dengan karya besar Imam al-Ghazali ini, pasti mampu mengimbangi pustaka keilmuan di dalam sanubari kita.



Helah nama al-Mahdi



MARWAN BUKHARI A HAMID
ialah penulis dan penterjemah.
Lulusan Universiti Yarmouk,
Jordan dan Universiti
Sains Islam Malaysia

Ada dua rukun dunia iaitu harta dan kedudukan. Tujuan harta untuk memiliki barang bermanfaat, manakala kedudukan untuk memiliki hati manusia, membolehkan seseorang diagungkan dan ditaati.

Itu kata Imam al-Ghazali dalam adikarya, *Ihya Ulumuddin* semasa membicarakan pangkat dan kedudukan.

Kalau orang kaya menggunakan kekayaan memenuhi keinginan diri, orang bertakhta di hati orang ramai pula boleh menggunakan pengikut sebagaimana yang dikehendaki.

Oleh itu, orang berkedudukan laksana tuan pemilik hamba. Namun, siapa lebih besar, pemilik hamba atau yang menakluk manusia?

Al-Ghazali menjawab, orang menakluk hati manusia lebih besar kerana orang ramai mentaatinya secara sukarela, sementara tuan pemilik hamba pula ditaati kerana terpaksa.

Terjawab sudah persoalan mengapa kedudukan menjadi buruan manusia. Kedudukan dimaksudkan tidak terbatas dengan jawatan rasmi, tetapi dalam konteks ini yang lebih utama ialah kedudukan di hati orang ramai walau seseorang itu tiada jawatan rasmi.

Malah, antara jawatan rasmi dan kedudukan di hati manusia walau tanpa jawatan, kedudukan di hati lebih besar pengaruhnya.

Orang berjawatan rasmi akan diabai setelah tidak berjawatan. Tetapi penakluk hati manusia akan sentiasa ditaati walau tiada jawatan rasmi.

Hal ini menjelaskan fenomena sesetengah susuk berpengaruh memiliki ramai pengikut. Lebih dahsyat, pengikut tidak diberikan ganjaran kebendaan, tetapi mereka pula berkorban harta dan nyawa demi susuk pujaannya.

Apa menyebabkan orang ramai terjebak menjadi pengikut setia kepada susuk tertentu?

Hati tidak boleh dibeli dan dimiliki sebagaimana barang. Hati melihat kesempurnaan. Tidak semestinya kesempurnaan itu benar-benar berlaku, tetapi sekurang-kurangnya tampak sempurna.

Tambah al-Ghazali, semakin bertambah kepercayaan dengan kesempurnaan seseorang, semakin bertambah ketundukan hati manusia kepadanya.

Antara unsur memberi kesempurnaan seseorang ialah hal-hal keagamaan. Agama menyemarakkan perasaan pesimisme dan pada masa sama membangkitkan optimisme dalam diri seseorang.

Contohnya, perbahasan akhir zaman dalam Islam. Perbahasan ini boleh disalahfahami mahupun disalahguna untuk memperkuuh pesimisme dalam kalangan umat Islam.

Imam Mahdi

Untuk mengimbangi pesimisme dalam diri, maka watak pembangkit optimisme diperlukan. Umat yang ketakutan akan mencari penyelamat ataupun Imam Mahdi.

Atas sebab itulah, sejarah umat Islam menyaksikan ramai orang mendakwa dirinya Imam Mahdi.

Mendakwa diri Imam Mahdi ialah unsur agama menyebabkan orang berkenaan tampak sempurna di mata pengikutnya.

Kesempurnaan itu menyebabkan orang mengaku dirinya penyelamat boleh mengukuhkan kuasa dan menewaskan musuh.

Orang pertama memakai gelaran itu ialah al-Mahdi al-'Abbas, khalifah ketiga Bani 'Abbasiyah.

Menurut Imam Ibn 'Ashur, tindakannya itu membuatkan hasil kerana pelantikannya sebagai khalifah menghentikan kelompok 'Alawiyyun iaitu pesaing Bani 'Abbasiyah sejak akhir pemerintahan Bani Umayyah lagi.

Gelaran itu turut diperalat golongan yang menggulingkan sesebuah pemerintahan. Antaranya 'Ubaydullah al-Mahdi yang menjatuhkan Dinasti Aghlabiyah dan mendirikan Kerajaan Fatimiyyah.

Begini juga gerakan Muwahhidun diketuai Ibn Tumart yang mendakwa dirinya al-Mahdi.

Selain nama-nama terkenal itu dalam sejarah Islam, zaman moden juga tidak kurang dengan orang mengaku sebagai al-Mahdi. Antaranya Mirza Ghulam Ahmad yang mengasaskan ajaran Qadiani.

Kes sama berlaku di negara kita apabila pemimpin gerakan al-Arqam Muhammad as-Suhaimi mendakwa dirinya Imam Mahdi.

Sikap kritis boleh menekankan gejala orang

suka mendakwa diri mereka Imam Mahdi. Malah bersikap kritis sebenarnya intisari agama Islam.

Itulah makna tabayyun dalam surat al-Hujurat, ayat 6. Setiap dakwaan disemak tanpa terlalu mudah mempercayainya.

Lebih-lebih lagi jika segelintir orang berlebihan mengangkat personaliti luaran dan dakwaan keturunan berbanding keilmuan dan kajian.

Dalam menghadapi fenomena ketaasuhan susuk ikutan, kita perlu membincangkan tentang tanggungjawab pengikut. Antara ciri pengikut yang baik ialah tahu bila masanya perlu kritis.

Sikap sedemikian diambil sahabat Rasulullah SAW. Dalam satu riwayat Imam Muslim, sekumpulan sahabat diarah Baginda untuk mentaati pemimpin kumpulan itu.

Salah guna

Namun, pemimpin itu menyalahgunakan kedudukannya, lalu menyuruh mereka agar masuk ke dalam unggun api atas dakwaan wajib ditaati.

Namun, sahabat enggan kerana Rasulullah SAW diutuskan untuk menyelamatkan mereka daripada neraka, bukannya masuk ke dalam api.


Apabila berita itu sampai kepada Nabi, baginda bersabda "Sekiranya mereka masuk ke dalam api itu, pasti mereka tidak akan keluar daripadanya."

Maksudnya, ketaatan membawa tuli terhadap susuk yang ditaasubkan membawa kebinasaan. Nabi SAW sendiri menggalakkan sahabat bersikap kritis terhadap arahan yang membina basaran. Penggunaan hadis akhir zaman untuk menyemarak pesimisme juga bercanggah dengan al-Quran dan al-Sunnah sendiri.

Al-Quran menyebut tentang kiamat supaya manusia mengubah diri dan meningkatkan amalan kebaikan.

Al-Sunnah juga begitu, sebab itu Nabi SAW berpesan "jika terjadi kiamat sementara di tangan salah seorang dari kamu ada sebiji benih tanaman, maka jika dia sempat menanamnya maka tanamlah." (Riwayat Ahmad)

Justeru, penerimaan penyelamat bergelar Imam Mahdi juga bukan untuk kita menjadi pasif hingga sekadar menanti-nanti. Tapi, "jadilah" Mahdi dan "lahirkan" Mahdi. Kita sama-sama menegakkan keadilan dan kebaikan.



Ketua pengarang:
Fazallah Pit
fazallah@mediaselangor.com

Pengarang berita:
Afeeqa Afeera Abdul Rasol
afeeqa@mediaselangor.com

Penolong pengarang akbar:
Afix Redzuan
Faridzwan Abdul Ghafar

Pemangku ketua wartawan:
Nadiyah Zamlus
sitinadiyah@mediaselangor.com

Jurufoto kanan:
Ahmad Zakki Jilan, Hafiz Othman

Ketua artis grafik:
Azwa Malek

Editorial: info@mediaselangor.com
Iklan: sales@mediaselangor.com
Pemasaran: marketing@mediaselangor.com

SelangorTV:
Marniza Othman
marniza@mediaselangor.com

Ameen Azizul
ameen@mediaselangor.com

Pemasaran dan Pengiklanan:
Suziana Zulkifli
suziana@mediaselangor.com

Pengedaran:
Adzhar Maludin
adzharmaludin@mediaselangor.com

MediaSelangor
Media Selangor Sdn Bhd,
Aras 11 Menara Bank Rakyat,
No 1 Jalan Indah 14/8, Seksyen 14,
40000 Shah Alam, Selangor
Tel: 03-5523 4856 Fax: 03-5523 6856



Pendakwah terkenal Habib Ali Zaenal Abidin Al-Hamid menggalunkan zikir dan selawat dalam Darul Ehsan Berselawat di Stadium Tertutup Kuala Selangor pada 23 Februari



Dapit Amirudin dan Saarani, perdana menteri bersama pemain pasukan Pilihan MB Selangor dan MB Perak di Stadium Tertutup Kuala Selangor pada 25 Februari. Foto Facebook Anwar Ibrahim



Petugas Selcare membantu orang ramai menjalani pemeriksaan mata dalam program Selangor Saring pada 23 Februari. Program ini bertujuan mengesan lebih 10 jenis penyakit tidak berjangkit



Orang ramai mendapatkan bekalan beras yang dijual pada harga 30 peratus lebih murah dalam program Jualan Ehsan Rahmat pada 24 Februari



Anggota tentera menjelaskan pelbagai maklumat menarik mengenai senjata api kepada pelawat di reruvi Angkatan Tentera Malaysia pada 24 Februari



Petugas Institusi Latihan Kemahiran Belia dan Sukan pada 24 Februari melakukan urutan yang dipelajari mereka dalam kursus yang ditawarkan pusat kemahiran itu



Anwar bersama Amirudin, Saarani dan Mohamad Sabu dalam majlis perasmian Program Madani Rakyat Zon Tengah di Stadium Tertutup, Kompleks Sukan Kuala Selangor pada 25 Februari. Turut serta menteri, EXCO, wakil rakyat dan pegawai tinggi kerajaan. Foto Facebook Anwar Ibrahim



Petugas Lembaga Tabung Haji pada 24 Februari memberi penerangan kepada pengunjung yang berminat membuka akaun dengan agensi pelaburan Islam



Sekumpulan pengunjung menyaksikan demonstrasi latihan angota bomba ketika melawat ruang pameran pasukan keselamatan itu pada 24 Februari



Seorang kakitangan menunjukkan kod QR untuk diimbas pengunjung yang mahu mengetahui maklumat berkaitan pembangunan di Perak pada 24 Februari



Tarian ngajat dari Sarawak dan sumazau (Sabah) dipersembah di reruvi Kementerian Pertanian dan Keterjaminan Makanan pada 24 Februari



Orang ramai menyaksikan persembahan kumpulan rock Floor 88 dalam Koncert Showcase Anak Muda Madani x Kita Selangor pada 24 Februari. Kumpulan ini popular dengan lagu Hutang (Pok Amai Amai)

Jalinan madani

KIRA-kira 127,000 orang mengunjungi program Madani Rakyat Zon Tengah (Selangor dan Perak) yang berlangsung tiga hari di Kompleks Sukan Kuala Selangor mulai 23 Februari.

Aneka acara dan perkhidmatan disediakan sepanjang program, lanjut daripada Program Setahun Bersama Kerajaan Madani di Stadium Nasional Bukit Jalil, Kuala Lumpur pada Disember tahun lalu.

Dari majlis keagamaan hingga acara sukan, orang ramai berpusu-pusu menyertai program menarik termasuk jualan murah, karnival kerja dan kaunter perkhidmatan agensi kerajaan.

Majlis penutup disempurnakan Perdana Menteri Datuk Seri Anwar Ibrahim pada 25 Februari. Hadir sama, Dato' Menteri Besar Dato' Seri Amirudin Shari, Menteri Besar Perak Datuk Seri Saarani Mohamad dan Menteri Pertanian dan Keterjaminan Makanan Datuk Seri Mohamad Sabu.

Program sulung itu diteruskan ke: zon utara Pulau Pinang antara 27-29 April, zon timur di Pahang (28-30 Jun), zon selatan di Johor (25-27 Julai), Sarawak (27-29 September) dan Sabah (18-20 Oktober).

Jurufoto REMY ARIFIN merakam sebahagian kegiatan menarik sepanjang program berkenaan.

Keterangan gambar disediakan oleh HAFIZAN TAIB.



Petugas di reruvi Platform Selangor (PLATS) membantu orang ramai mengimbas kod QR bagi menggunakan perkhidmatan jualan dalam talian agensi tersebut pada 24 Februari



Sebahagian kanak-kanak menyertai pertandingan silang kata anjuran Unit Penyelaras Lonjakan Prestasi (PACU) Pejabat Perdana Menteri pada 24 Februari

Daulat bahasa Melayu

Oleh DR HAZAMI JAHARI

Antara tujuan penubuhan Dewan Bahasa dan Pustaka (DBP) seperti mana yang dinyatakan pada Seksyen 5 (2) Akta DBP (Pindaan dan Peluasan 1995) termasuklah menggalakkan penggunaan bahasa kebangsaan yang betul dan meluas berdasarkan undang-undang yang berkuat kuasa. Maksud “untuk menggalakkan” termasuklah memberikan arahan, ulasan, nasihat, bantuan, bimbingan, latihan atau pengawasan.

Penguatkuasaan bahasa kebangsaan dilaksanakan oleh DBP menggunakan peruntukan akta yang sedia ada melalui peningkatan kerjasama strategik dengan pihak berkepentingan dan pihak berkuasa yang mempunyai kuasa penguatkuasaan dalam bidang yang berkenaan, seperti pihak berkuasa tempatan, Suruhanjaya Komunikasi dan Multimedia Malaysia, dan lain-lain.

Selain itu, bagi memastikan penggunaan bahasa kebangsaan yang baik dan betul di tempat awam, Kementerian Kesejahteraan Bandar, Perumahan dan Kerajaan Tempatan (KPKT) bertarikh 24 Februari 2015 yang telah mengarahkan semua Pihak Berkuasa Tempatan (PBT) mewajibkan pengiklanan dan agensi pengiklanan di seluruh Malaysia mematuhi peraturan dan arahan Undang-undang Kecil Iklan tentang penguatkuasaan penggunaan bahasa kebangsaan pada paparan papan iklan di tempat awam dan penamaan nama khas.

Dalam hal ini, semua pengiklanan dan agensi pengiklanan diwajibkan mendapatkan pengesahan bahasa Melayu yang baik dan betul daripada DBP sebelum mereka diberikan lesen oleh PBT untuk memaparkan atau menyiaran iklan di tempat awam. (*jadual 1*)

Berdasarkan data yang diperoleh dalam tempoh lima tahun, jumlah kelulusan pengesahan iklan menunjukkan trend peningkatan yang

Jadual 1

TAHUN	PENGESAHAN IKLAN
2023	122,452 iklan
2022	115,636 iklan
2021	90,630 iklan
2020	95,172 iklan
2019	98,215 iklan

Jadual 2

TAHUN	ADUAN DAN SURAT TEGURAN
2023	47
2022	15
2021	12
2020	42
2019	31



menggambarkan semua pihak mematuhi peraturan dan arahan Undang-undang Kecil Iklan serta nasihat daripada DBP.

Oleh yang demikian, sewajarnya iklan yang dipaparkan atau disiarkan di tempat awam adalah yang baik dan betul selari dengan kelulusan DBP. (*jadual 2*)

Walaupun begitu, DBP tetap melaksanakan pemantauan menyeluruh dari semasa ke semasa dengan tujuan merakam, mengawasi, mengenal pasti, menegur dan memberikan ulasan serta mengambil tindakan untuk membetulkan kesilapan bahasa dengan kadar yang segera. Berdasarkan data yang diperoleh dalam tempoh lima tahun, jumlah aduan yang diterima dan surat teguran yang dikeluarkan jelas menampakkan situasi yang membimbangkan.

Bahasa komunikasi

Laporan media sosial atau isu-isu yang ditularkan dari hari ke hari jelas memberikan isyarat bahawa pengesahan bahasa Melayu yang baik dan betul oleh DBP tidak berlaku.

Masih banyak lagi papan iklan yang tidak menggunakan bahasa kebangsaan atau menggunakan bahasa asing sepenuhnya atau bercampur atau tidak mengutamakan bahasa Melayu dari segi saiz, kedudukan dan warna huruf.

Jadual 3

DAPATAN KAJIAN TAHP PENGGUNAAN BAHASA KEBANGSAAN DI TEMPAT AWAM DI BANDAR UTAMA DI MALAYSIA

NEGERI	DOMAIN			DAPATAN
	PAPAN TANDA PREMIS PERNIAGAAN	KAIN RENTANG	GEGANTUNG	
SARAWAK (DBKU)	39.7%		56.5%	Tidak Memuaskan
SARAWAK (MBKS)	16%		30.7%	Tidak Memuaskan
KOTA KINABALU, SABAH	28.4%	34.3%	55.8%	Tidak Memuaskan
WP KUALA LUMPUR	27%	32%	29%	Tidak Memuaskan
SHAH ALAM, SELANGOR	38.5%	61.1%	64%	Tidak Memuaskan
KUANTAN, PAHANG	38.5%	71.1%	72.9%	Tidak Memuaskan
KUALA TERENGGANU, TERENGGANU	55%	77%	91%	Tidak Memuaskan

Sekiranya masalah ini tidak ditangani dengan berhemah dan berkesan kedaulatan bahasa kebangsaan sebagai bahasa komunikasi umum dan bahasa rasmi mengikut Perlembagaan dan Akta Bahasa Kebangsaan akan terancam.

DBP juga melaksanakan program pemartabatan bahasa kebangsaan sektor awam dan swasta, iaitu Audit Bahasa Melayu dan Sistem Penarafan Bintang Bahasa Kebangsaan di sektor awam, swasta, pihak berkuasa tempatan (PBT) dan syarikat berkaitan kerajaan (GLC).

Pekeling Perkhidmatan Bilangan 1 Tahun 2020 “Pemerkaan Penggunaan Bahasa Kebangsaan dalam Perkhidmatan Awam”, Perkara 7 pula menyatakan semua pegawai awam perlu menggunakan bahasa kebangsaan dengan baik dan betul dalam semua urusan rasmi sama ada secara bertulis atau lisan.

Program Audit Bahasa dilaksanakan untuk menilai tahap dan mutu penggunaan bahasa Melayu dalam urusan rasmi yang melibatkan dalam dan luar negara selaras dengan Pekeling Perkhidmatan Bilangan 1 Tahun 2020: Pemerkaan Penggunaan Bahasa Kebangsaan dalam Perkhidmatan Awam, Pekeling Perkhidmatan Bilangan 1 Tahun 2020: Pemerkaan Penggunaan Bahasa Kebangsaan dalam Perkhidmatan Awam dan Pekeling Perkhidmatan Sumber Manusia (MyPPSM) Versi 1.0 (2022), Ceraian PO.1.1.1:

Pemerkaan Penggunaan Bahasa Melayu dalam Perkhidmatan Awam.

Pegawai juga hendaklah melengkapkan diri dengan kemahiran dan pengetahuan bahasa kebangsaan yang baik dari segi ejaan, sebutan, istilah dan tatabahasa serta menghayati aspirasi penggunaannya semasa berkomunikasi dalam melaksanakan tugas dan tanggungjawab.

Berdasarkan Pelaksanaan Audit Bahasa Melayu dan Sistem Penarafan Bintang Bahasa Kebangsaan di sektor awam, swasta, pihak berkuasa tempatan (PBT) dan syarikat berkaitan kerajaan (GLC) yang bermula dari 2013 hingga 2023, dapatlah dirumuskan bahawa:

- Penggunaan bahasa lain sepenuhnya ditemui dalam dokumen rasmi seperti dokumen perjanjian, nota pembentangan, dokumen edaran serta paparan dan peragaan.
- Penggunaan bahasa bercampur banyak ditemui dalam dokumen edaran, dokumen perjanjian serta paparan dan peragaan.
- Aspek kesalahan yang paling banyak ditemui dari segi mutu penggunaan bahasa Melayu ialah kosa kata dan binaan ayat.

Keputusan Audit Bahasa Melayu (yang mencapai skala lima bagi tahap dan mutu) adalah seperti yang berikut:

- Bagi kategori kementerian – Kementerian Komunikasi dan Multimedia, Kementerian Perusahaan, Perlادangan dan Komoditi dan Kementerian Wilayah Persekutuan.
- Bagi kategori agensi/jabatan/badan berkanun – Jabatan Bomba dan Penyelamat Malaysia, Jabatan Biokeselamatan, Jabatan Kesenian dan Kebudayaan Negara, Suruhanjaya Pencegahan Rasuah Malaysia, Bank Negara Malaysia dan Majlis Sukan Negara.
- Bagi kategori syarikat berkaitan kerajaan – Institut Terjemahan dan Buku Malaysia

Keputusan Sistem Penarafan Bintang Bahasa Kebangsaan Pihak Berkuasa Tempat (yang memperoleh lima bintang) adalah seperti yang berikut:

- Bagi kategori dewan bandar raya/majlis bandar raya/PBT ibu negeri (daripada 18 dewan bandar raya) hanya Majlis Bandaraya Shah Alam yang memperoleh keputusan lima bintang.
- Bagi kategori majlis perbandaran (daripada 39 majlis perbandaran) hanya Majlis Perbandaran Ampang Jaya yang memperoleh keputusan lima bintang.
- Bagi kategori majlis daerah (daripada 96 majlis daerah) hanya dua majlis daerah memperoleh keputusan lima bintang iaitu, Majlis Daerah Sabak Bernam dan Majlis Daerah Kuala Langat.

Bagi meningkatkan nilai ekonomi dan

Jadual 4

DAPATAN KAJIAN SIKAP MASYARAKAT TERHADAP PENGGUNAAN BAHASA KEBANGSAAN DI TEMPAT AWAM DI BANDAR UTAMA DI MALAYSIA

DOMAIN	KUCHING, SARAWAK	KOTA KINABALU, SABAH	WP KUALA LUMPUR	SHAH ALAM, SELANGOR	KUANTAN, PAHANG	KUALA TERENGGANU, TERENGGANU
PENGUATKUASAAN	82%	86%	96%	94%	96%	94%
KESETIAAN BAHASA	85%	81%	93%	93%	96%	92%
KEBANGGAAN BAHASA	76%	72%	78%	82%	83%	76%
NORMA BAHASA	90%	84%	88%	92%	95%	94%
ILTIZAM	84%	86%	94%	95%	97%	96%

komersial bahasa Melayu di dalam negara, mahu tidak mahu bahasa Melayu perlu menjadi “pemain utama” dalam bidang perbankan dan kewangan di dalam negara. Sehubungan dengan itu, DBP menjalankan kerjasama mantap dengan pihak Bank Negara Malaysia (BNM) bagi menetapkan standard penarafan bahasa Melayu di sektor Industri Perkhidmatan Kewangan.

Keputusan pelaksanaan Sistem Penarafan Bintang Bahasa Kebangsaan Sektor Kewangan (yang memperoleh 5 bintang) adalah seperti yang berikut:

- Bagi kategori bank perdagangan (daripada lapan bank perdagangan) tiada bank yang mendapat keputusan lima bintang.
- Bagi kategori bank Islam (daripada 10 bank Islam) hanya dua bank sahaja yang memperoleh keputusan lima bintang iaitu Affin Islamic Bank dan Public Islamic Bank.
- Bagi kategori bank pembangunan (daripada empat bank pembangunan) hanya Bank Kerjasama Rakyat Malaysia Berhad yang memperoleh keputusan lima bintang.

Seterusnya, DBP juga melaksanakan Kajian Tahap Penggunaan Bahasa Kebangsaan di Tempat Awam di Bandar Utama di Malaysia. Kajian dilakukan di Kuching pada 2019 hingga 2020, Kota Kinabalu (2020-2023), Kuala Lumpur (2021-2023), Shah Alam (2021-2023), Kuantan (2022-2023) dan Kuala Terengganu (2022-2023).

Skop Kajian:

Tahap Penggunaan Bahasa Kebangsaan di Tempat Awam di Bandar Utama di Malaysia melalui domain:

- Papan Tanda Premis Perniagaan
- Kain Rentang
- Gegantung

*Kajian awal Kuching, Sarawak menggabungkan domain Kain Rentang dan Gegantung.

Sikap Masyarakat Terhadap Penggunaan Bahasa Kebangsaan di Tempat Awam di Bandar Utama di Malaysia melalui domain:

- Penguatkuasaan
- Kesetiaan Bahasa
- Kebanggaan Bahasa
- Norma Bahasa
- Iltizam

Berdasarkan kajian, tahap penggunaan bahasa kebangsaan di Kuching, Kota Kinabalu, Kuala Lumpur, Shah Alam, Kuantan dan Kuala Terengganu tidak memuaskan. (*jadual 3*)

Masyarakat di Kuching, Kota Kinabalu, WP Kuala Lumpur, Shah Alam, Kuantan dan Kuala Terengganu sangat positif dan mempunyai iltizam dalam menyokong penggunaan bahasa kebangsaan di tempat awam. (*jadual 4*)

DBP juga melaksanakan Kajian Tahap Penggunaan Bahasa Kebangsaan dalam Laman Sesawang Kerajaan Negeri. Kajian di Sarawak pada 2020, Sabah (2021), Selangor (2021), Negeri Sembilan (2021), Pahang (2021), Kedah (2022-2023), Perlis (2022-2023) dan Wilayah Persekutuan (2021-2023).

Skop kajian:

Tahap penggunaan bahasa dalam laman sesawang kerajaan negeri sama ada menggunakan bahasa kebangsaan atau bahasa Inggeris berdasarkan domain:

- Muka Depan Laman Utama Sesawang
- Visi dan Misi
- Piagam Pelanggan/Sejarah/Mengenai Kami/Latar Belakang

Mutu penggunaan bahasa kebangsaan dalam laman sesawang kerajaan negeri yang melibatkan sistem ejaan, tanda baca dan simbol, dan pembentukan kata berdasarkan domain:

- Muka Depan Laman Utama Sesawang
- Pengenalan/Tentang Kami/Profil Kementerian
- Penerbitan/Muat Turun/Pusat Media

Dapatkan kajian mendapati tahap penggunaan bahasa kebangsaan dalam laman sesawang di 34 jabatan utama kerajaan negeri di enam zon berada pada tahap sangat memuaskan (cemerlang), iaitu 85 peratus ke atas dalam penggunaan bahasa kebangsaan dalam laman sesawang kerajaan negeri masing-masing. (*jadual 5*)

Dari aspek mutu penggunaan bahasa kebangsaan dalam laman sesawang kerajaan negeri, dapatkan kajian mendapati kesalahan ejaan yang ketara dalam laman sesawang kerajaan negeri Kedah, iaitu sebanyak 74 peratus, kesalahan tanda baca dan simbol pula banyak didapati dalam laman sesawang kerajaan negeri Pahang, iaitu sebanyak 39 peratus. Kesalahan pembentukan kata paling banyak didapati dalam laman sesawang Wilayah Persekutuan, iaitu sebanyak 40 peratus.

Sedutan muka surat 13 - 38 teks ucapan Ketua Pengarah Dewan Bahasa dan Pustaka Dr Hazami Jahari ketika Wacana Bahasa Kebangsaan: Kerancuan Bahasa Tanggungjawab Kita di Kuala Lumpur pada 28 Februari. Video ucapan beliau boleh disemak di Facebook Dewan Bahasa dan Pustaka mulai minit 1: 18: 00

Jadual 5

TAHAP PENGGUNAAN BAHASA KEBANGSAAN DALAM LAMAN SESAWANG KERAJAAN NEGERI SELANGOR

JABATAN	TAHAP PENGGUNAAN	
	BAHASA KEBANGSAAN	BAHASA INGGERIS
Jabatan Kerajaan Negeri Selangor	96.9%	3.1%
Badan Berkanun Negeri	94.8%	5.2%
Pejabat Daerah dan Tanah	96.4%	3.6%
Pihak Berkuasa Tempatan	98.1%	1.9%
Jabatan Kerajaan Persekutuan	96.7%	3.3%
Anak Syarikat Kerajaan Negeri	59.3%	40.7%

Artikel di atas menyiarangkan sebahagian dapatan di Selangor. Dapatkan lengkap kajian di Sarawak, Sabah, Negeri Sembilan, Pahang, Kedah, Perlis dan Wilayah Persekutuan (muka surat 31-38) tidak disiaraskan kerana ruang terhad.

Oleh NAZLI IBRAHIM

Kejayaan Robiatul Adawiyyah Ibrahim meraih Anugerah Usahawan Gemilang SELBIZ 2023 pada 31 Januari bertitik tolak daripada perniagaan kecil di setinggan Sungai Penchala, Petaling Jaya.

Tekad wanita berumur 37 tahun itu bermula timbul kerana beliau sedih melihat ayahnya sering meminjam wang demi menyara keluarga ketika zaman kanak-kanaknya.

"Kasihan tengok ayah pinjam sana-sini sampai tanggung hutang RM40,000 sebab mahu sara keluarga, bayar duit taxi dan lain-lain. Ini menguatkan azam saya bermula," katanya kepada Selangorkini pada 23 Februari.

Mendapat bimbingan Perbadanan Kemajuan Negeri Selangor (PKNS) sejak Mac tahun lepas, kini Robiatul Adawiyyah usahawan produk pencuci mulut pelbagai jenis krep dan kek. Perniagaannya berjaya membawa keluarga keluar daripada kemiskinan.

Bermula secara sambilan pada 2013, anak ketiga lapan beradik memulakan perniagaan di rumah setinggan dengan menghantar set makan tengah hari ke pejabat-pejabat.

"Buat set makan tengah hari, ayam panggang dan kek semuanya buat di rumah sahaja. Rumah pun kecil, cuma setinggan. Sewa RM350 sebulan," katanya.

Pada 2015, Robiatul Adawiyyah yang juga guru tadika waktu itu mencuba bermula krep durian bermodalkan RM300. Tanpa disangka krep duriannya mendapat sambutan dan tular di media sosial.

Melalui 10 ejen, beliau menjual 30 pek hari pertama sebelum bertambah 60 pek hari kedua dan 100 pek hari ketiga.

Sabtu bulan krep durian keluarannya semakin mendapat sambutan menyebabkan Robiatul

Berkat rezeki setinggan



Adawiyyah berhenti kerja pada 2018 untuk memberi tumpuan kepada perniagaan.

Tahun sama menyaksikan jualan mencecah RM150,000. Lantaran perniagaan berkembang, setahun kemudian ibu tiga anak itu menyewa sebuah lagi rumah dijadikan pusat operasi pengeluaran krep.

Hasilnya, pengeluaran meningkat 20,000 pek krep durian sebulan, sekali gus jualan meningkat RM1.3 juta setahun.



Produk juga bertambah kepada 20 jenis perisa antaranya matcha, keju, kacang hazel, coklat, pandan, kacang pistachio, black forest, pelangi, kek batik macha, kek tapak kuda dan biscott keju.

Bulan puasa

Bagi produk krep durian paling laris, Robiatul Adawiyyah menggunakan hingga 1.5 tan isi durian jenis D24 dalam sebulan. Beliau turut mengikat kontrak dengan pembekal isi durian memastikan bekalan sentiasa ada.

Ketika Perintah Kawalan Pergerakan (PKP) pada Mac 2020 beliau baru sebulan memindahkan operasi di lot kedai dengan sewa RM4,000 sebulan.

"Saya tawakal. Mohon (kebenaran) Kementerian Perdagangan Antarabangsa dan Industri (MITI) teruskan pengeluaran. Tutup pintu tetapi dalam kedai operasi jalan."

"Masa PKP semua orang duduk rumah dan hendak makan. Rupanya PKP membuatkan rezeki bertambah. Jualan tahun 2020 lebih RM4 juta," katanya.

Tahun berikutnya Robiatul Adawiyyah memperoleh jualan RM3.8 juta dan RM3.5 juta pada 2022.

Ketika Ramadan dan Aidilfitri,

jualan produknya melonjak kepada RM300,000 hingga RM400,000 sebulan. Pada bulan puasa, pencuci mulut keluarannya dijual di reruai beberapa bazar raya selain pasar raya sekitar Lembah Klang.

"Selain kek, saya juga keluarkan biskut raya. Saya ambil peluang ini tambah produk untuk fokus raya. Krep lebih kepada bulan puasa. Kek dan kuih raya lebih kepada raya," katanya.

Antara kuih raya dijual ialah tart, semperit, biskut coklat Belgium, biskut coklat hitam dan kuih bangkit keju. Beliau juga menyasarkan untuk mengeluarkan kek tapak kuda hingga 300 bebas sehari pada musim perayaan tahun ini.

Robiatul Adawiyyah bersyukur program pembangunan usahawan PKNS banyak membantunya mendalami strategi bermula dengan betul.

Pengetahuan diperoleh dalam program itu membolehkan produknya menembusi beberapa pasar raya di negara ini dan kini merancang eksport ke China, Singapura dan Brunei.

"Mereka beri pendedahan bangunkan produk seperti pembungkusan, masuk pasar raya hingga eksport," katanya.



PRIHATIN... Perdana Menteri Datuk Seri Anwar Ibrahim menziarahi pesakit ketika meninjau keadaan Hospital Seberang Jaya, Pulau Pinang yang berdepan isu kesesakan pada 9 Mac. Peruntukan RM1 juta diluluskan bagi naik taraf kemudahan hospital tersebut. Foto Facebook Anwar Ibrahim

Atasi jangkaan awal

Syarikat Australia kembang pelaburan

SHAH ALAM - Beberapa syarikat terkemuka Australia berminat untuk melabur dan mengembangkan pelaburan sedia ada RM24.5 bilion di Malaysia, kata Perdana Menteri Datuk Seri Anwar Ibrahim.

Beliau yang juga menteri kewangan itu menjelaskan hasrat tersebut dinyatakan dalam pertemuannya bersama lebih 20 syarikat di Melbourne pada 5 Mac sempena lawatan empat hari ke negara itu, lapor Bernama.

Menurutnya, syarikat Australia yang berpotensi membuat pelaburan antara-nya pengendali pusat data AirTrunk se-

banyak RM11 bilion dan NextDC kira-kira RM3 bilion.

Katanya, Lynas pula berminat menambah pelaburan kira-kira RM1 bilion manakala syarikat lain antaranya Fortescue, Macquarie Group dan Arnott's Group juga menunjukkan minat sama.

"Ini kemajuan membanggakan dan menunjukkan minat dan keyakinan Australia terhadap dasar kita selama ini," katanya dalam sidang media bersama pemberita Malaysia di Melbourne pada 5 Mac.

Menyatakan potensi pelaburan yang

memasuki Malaysia melebihi jangkaan awal, Anwar juga percaya pelaburan tersebut memberi peluang kepada kira-kira 1,200 tenaga mahir di Malaysia.

Beliau menjelaskan potensi jualan eksport Malaysia ke Australia bernilai lebih RM900 juta meliputi urea, kayu, makanan dan komponen elektrik yang dijangka diraih dalam lawatan itu.

Anwar berkata kerajaan berusaha memberi penjelasan untuk menjawab kegusaran seterusnya membina keyakinan kepada pelabur dan ahli perniagaan Australia terhadap prospek Malaysia.

Sistem Padu kebal, gagal digodam

SHAH ALAM - Menteri Ekonomi Rafizi Ramli memberi jaminan sistem Pangkalan Data Utama (Padu) kekal selamat walau berdepan lebih dua juta cubaan menggodam setiap minggu.

Katanya, serangan berlaku dalam pelbagai bentuk antaranya Serangan Penafian Perkhidmatan Teragih (DDOS) dan sekatan firewall sejak Padu dilancarkan pada 2 Januari, lapor Bernama.

"Padu masih lagi selamat hasil tindakan pantas yang diambil pasukan pem-

bangunan sistem.

Kerajaan juga memutuskan untuk melaksanakan geofencing (teknologi pengesanan berdasarkan GPS).

"Hanya capaian dalam Malaysia sahaja boleh mengemas kini Padu," katanya ketika menggulung perbahasan di Dewan Rakyat pada 11 Mac.

Rafizi berkata 4,292,912 individu berusia 18 tahun dan ke atas yang mewakili 19.5 peratus keseluruhan penduduk mendaftar dan mengemas kini

maklumat dalam sistem itu setakat 10 Mac.

Beliau menjelaskan Padu ditambah baik dan berkemampuan mengemas kini data secara masa nyata bagi memudahkan data antara jabatan atau agensi dikongsi secara automatik.

"Maknanya kalau ada sahaja kemas kini data di mana-mana kementerian dan jabatan, secara automatik ia akan dicerminkan dalam pangkalan data Padu," katanya.

Waktu kerja pendek kakitangan wanita

SHAH ALAM - Kajian Sistem Saran Perkhidmatan Awam (SSPA) mengambil kira kelonggaran waktu kerja lebih pendek kepada penjawat awam wanita bagi memberi perhatian lebih kepada keluarga.

Berucap dalam majlis sambutan Hari Wanita Antarabangsa 2024 pada 8 Mac, Perdana Menteri Datuk Seri Anwar Ibrahim berkata kelonggaran itu berkemungkinan melibatkan kadar upah berbeza.

Beliau mahu berbincang dengan ketua setiausaha negara dan ketua pengarah perkhidmatan awam mengenai kemungkinan waktu bekerja yang lazimnya antara jam 8 pagi hingga 5 petang disingkat.

"Kalau bekerja mungkin selama empat jam, mengikut kadar upah mungkin kurang tetapi kita boleh manfaatkan wanita yang merasa terdesak untuk jaga kepentingan anak-anak di rumah," katanya.

30,960 warga Palestin terkorban

SHAH ALAM - Lebih 30,960 rakyat Palestin terbunuh, kebanyakannya kanak-kanak dan wanita dalam serangan bertenusan Israel di Semenanjung Gaza yang memasuki hari ke-156.

Menurut agensi berita Palestin (Wafa) yang memetik pihak berkuasa kesihatan di wilayah tersebut pada 10 Mac, bilangan mangsa kecederaan mencecah 72,524 orang.

Angka kematian dijangka meningkat kerana ribuan penduduk dikehenti maut bawah runtuhan bangunan, lebih-lebih lagi tentera Israel menghalang akses ambulans, lapor Bernama.

Puluhan orang awam termasuk kanak-kanak meninggal dunia sejak dalam siri pengeboman Israel dari udara, darat dan laut, merentasi Semenanjung Gaza yang terkepung.

Peluang pandu kendaraan Tesla

SHAH ALAM - Tesla mula menghantar Model Y, kendaraan utiliti sukan elektriknya (SUV) dalam tiga varian ke Malaysia.

Harga model pacuan roda belakang, dwimotor pacuan semua roda dan dwimotor pacuan semua roda itu bermula dari RM200,700 hingga RM289,700, lapor Bernama.

"Orang ramai kini boleh merasai Model Y semua elektrik di Pusat Pengalaman Tesla Cyberjaya," kata syarikat pembuat kereta elektrik itu dalam kenyataan pada 12 Mac.

Tesla mahu mengembangkan perkhidmatan selepas jualan dan sokongan pengcasannya di negara ini untuk menyediakan pengalaman pemilikan Tesla yang mudah serta lancar.

Garis panduan AI dibentang Mac

SHAH ALAM - Garis panduan dan kod etika kecerdasan buatan (AI) dijadual dilancar pada bulan depan bagi mencegah dan meminimumkan risiko negatif kesan penyalahgunaan teknologi itu.

Menteri Sains, Teknologi dan Inovasi Chang Lih Kang berkata dokumen asas pembangunan perundungan berkaitan AI pada masa depan dibentang ke kabinet pada bulan ini, lapor Bernama.

Beliau menjelaskan garis panduan tersebut merangkumi tiga kategori iaitu pengguna, penggubal dasar dan pembangun atau penyedia teknologi AI.

Lih Kang menjawab soalan Ahli Parlimen Petaling Jaya Lee Chean Chung mengenai langkah kerajaan terhadap penggunaan AI.

Kebakaran terbuka meningkat

SHAH ALAM - Sebanyak 283 kes pembakaran terbuka berlaku dalam tempoh dua bulan pertama tahun ini melibatkan kebakaran kebun, ladang, hutang, belukar, tanah gambut dan sampah di Selangor.

Ketua Pengarah Jabatan Bomba dan Penyelamat Malaysia Datuk Nor Hisham Mohammad menjelaskan bilangan itu meningkat berbanding 220 kes dalam tempoh sama tahun lalu, lapor Bernama.

Beliau menambah 25 kebakaran kebun dan ladang dicatat selain hutan (40), belukar dan lalang (112), tanah gambut dan pembakaran sampah masing-masing dua selain 103 lagi kejadian.

Katanya, kekerapan kejadian lazimnya melibatkan empat kawasan titik panas iaitu Hutan Simpan Kuala Langat Selatan dan Utara, Kampung Johan Setia dan Hutan Simpan Raja Muda Musa.

Nor Hisham memberitahu dua kebakaran berlaku di lokasi berkenaan pada tahun ini setakat Februari.

9,500 sakit buah pinggang kronik

SHAH ALAM - Penghidap penyakit buah pinggang kronik semakin meningkat iaitu hampir 9,500 pesakit baharu memerlukan rawatan dialisis setiap tahun, menurut timbalan menteri kesihatan.

Berucap sempena Hari Buah Pinggang Sedunia peringkat kebangsaan, Datuk Lukmanisman Awang Sauni berkata kira-kira 4.7 juta individu mengalami penyakit tersebut setakat ini, lapor Bernama.

Beliau menambah pelbagai langkah diperlukan termasuk strategi pencegahan, pengesanan awal, pengurusan faktor risiko serta rawatan bertepatan bagi mengatasi peningkatan kes itu.

"Terdapat banyak kemajuan dalam perawatan perubatan yang mampu mengawal penyakit kronik serta mengelak komplikasi memudaratkan," katanya di ibu negara pada 9 Mac.

1,000 penguat kuasa pantau bazar

SHAH ALAM - Kira-kira 1,000 penguat kuasa Kementerian Kesihatan ditugaskan untuk memantau penyediaan dan kebersihan makanan di bazar Ramadhan di seluruh negara sepanjang bulan puasa.

Menyerinya Datuk Seri Dr Dzulkefly Ahmad berkata kementerian bekerjasama dengan pihak berkuasa tempatan bagi memastikan kebersihan makanan dan peniaga mendapatkan

suntikan tifoid.

Beliau menambah pihaknya juga akan menempatkan platform khas kod QR di semua bazar bagi memudahkan orang ramai menyalur aduan berkaitan bazar dalam talian, lapor Bernama.

"Bagi yang membeli, perlu ada pengetahuan dalam mengenal pasti mutu dan keselamatan makanan yang disiapkan seperti memerhati keadaan fizikal dan menghidu makanan tersebut," katanya.

Beliau ditemui selepas merasmikan Wellnes Hub Terengganu di pekarangan Klinik Kesihatan Seberang Takir di Kuala Nerus, Terengganu pada 9 Mac.

Menggalakkan pengunjung memakai pelitup muka, Dzulkefly mengingatkan orang ramai supaya tidak berada di tempat sesak atau ke bazar jika tidak sihat atau mengalami gejala seperti batuk.

Sempena Ramadan, Syawal

Bekalan ayam, daging mencukupi

SHAH ALAM - Bekalan barang asas termasuk ayam, daging dan telur mencukupi menjelang sambutan Ramadan serta perayaan Aidilfitri, kata menteri pertanian dan keterjaminan makanan.

Memberi jaminan itu, Datuk Seri Mohamad Sabu juga berharap penternak melipat ganda usaha bagi menambah bekalan sedia ada meski stok pada masa ini stabil, lapor Bernama.

"Jika bekalan terjejas, kita boleh import kerana ada jalalinkan persefahaman dengan negara penglexport seperti Thailand dan China," katanya di Kota Kinabalu pada 9 Mac.



Beliau merasmikan Expo Makanan Antarabangsa Sabah 2024 selama tiga hari di Pusat Konvensyen Antarabangsa Sabah yang mengetengah pelbagai produk termasuk industri kecil dan sederhana.

Mohamad memberitahu pembangunan empat industri iaitu padi dan beras, ayam, itik dan telur, bawang merah dan nanas diberi tumpuan dalam menangani cabaran jaminan bekalan makanan.

Selain itu, beliau berkata purata pengeluaran beras belum mencapai 100 peratus kadar sara diri tetapi yakin

sasaran tersebut boleh dicapai berikut banyak tanah di beberapa negeri.

"Di negara lain, mereka boleh peroleh hingga lebih 10 tan beras dalam satu hektar, tetapi Malaysia hanya mampu mendapat tiga hingga lima tan beras dalam satu hektar," katanya.

Dalam program sama, Mohamad berkata eksport produk makanan proses berstatus halal Malaysia menembusi lebih 150 negara yang mencakupi 1.8 bilion umat Islam.

Beliau percaya produk tempatan Halal Malaysia bakal menjadi produk pilihan dan menerima permintaan tinggi di seluruh dunia khususnya negara Islam jika usaha dilipat ganda.

Bantu pesatkan lagi potensi PKS

SHAH ALAM - Perusahaan kecil dan sederhana (PKS) perlu dimajukan bagi membantu negara berkembang pesat sekali gus berpeluang memimpin ekonomi pada peringkat Asia Tenggara.

Ahli parliment Gombak berkata kemasuhan itu penting berikutan 97 peratus syarikat berdaftar terdiri daripada PKS yang menyumbang 38.2 peratus Keleuaran Dalam Negara Kasar (KDNK).

Mengakui usaha membangunkan PKS bukan peringkat nasional, Dato' Seri Amirudin Shari yang juga Dato' Menteri Besar mencadangkan kerajaan persekutuan supaya memberi imbuhan kepada negeri.

"Apa salahnya pada tiap tahun kerajaan cubit lima peratus daripada RM106 bilion kutipan cukai pada 2023 untuk negeri berdasarkan pencapaian dalam membantu

ngunkan PKS," katanya pada 7 Mac.

Dalam Perbaasan Titah Diraja di Parlimen, Amirudin percaya kerajaan perlu membangunkan segera tenaga kerja mahir dan bermutu bagi memperkemas sektor tersebut.

Beliau menyeru kerajaan meneladani pengalaman Jepun memajukan PKS yang bermula dengan industri penghasilan kereta bersaiz kecil pada kos rendah.

Perlu bijak tangkis tohmahan

SHAH ALAM - Pemimpin Parti Keadilan Rakyat (KEADILAN) pada semua peringkat perlu memiliki keupayaan untuk memberi penerangan kepada rakyat dalam pelbagai isu berbangkit.

Naib Presiden KEADILAN Dato' Seri Amirudin Shari menegaskan mereka juga tidak perlu menunggu kenyataan dan arahan pemimpin atasaran atau terlalu bergantung kepada media rasmi kerajaan.

Beliau berkata ketua cabang dan

ahli jawatankuasanya harus terlatih dalam isu semasa sekali gus berupaya menjawab tohmahan pembangkang termasuk maklumat sebenar suasana ekonomi negara.

"Jangan harap menteri atau kepimpinan parti untuk menjawab semua (isu). Kena ada pasukan yang kuat, terlatih, cakna dalam segala isu."

"Isu semasa yang penting seperti keutuhan kerajaan, isu sensitif perlu diberi perhatian. Jangan harap media

rasmi, televisyen sahaja," katanya pada 9 Mac.

Berucap dalam Konvensyen Jelajah KEADILAN di sini, Amirudin yang juga Dato' Menteri Besar berkata Jelajah Penerangan KEADILAN bermula di Selangor sebelum ke negeri lain.

Beliau menjelaskan program tersebut yang dipergiat selepas sambutan Aidilfitri penting bagi menangani isu semasa selain membuat persiapan pilihan raya Sabah dan Sarawak.



JIMAT... Timbalan Yang Dipertua Majlis Perbandaran Selayang Adi Faizal Ahmad Tarmizi (empat, kiri) meninjau Bazar Ramadan Bandar Baru Selayang sempena 'Kempen Jom Makan Sampai Habis' pada 12 Mac. Kempen itu memupuk kesedaran masyarakat supaya tidak membazir ketika berbelanja dan mengurangkan penghasilan sisa makanan.

Foto Facebook Majlis Perbandaran Selayang

Mutu perkhidmatan seiring anugerah

Tangani masalah tanpa tunggu aduan

Oleh SUHAILA SHAHRUL ANNUAR

SUBANG JAYA - Majlis Bandaraya Subang Jaya (MBSJ) memperoleh kutipan hasil RM322.67 juta sepanjang tahun lalu, kata Datuk Bandar Subang Jaya Dato' Mohd Fauzi Mohd Yatim.

Beliau berkata prestasi tersebut membuktikan pihak berkuasa tempatan itu terus berkembang pesat dan mencatat pertumbuhan yang memberangsangkan iaitu kutipan keseluruhan 102 peratus.

Teruskan tajaan pelari menara

SHAH ALAM - Majlis Bandaraya Petaling Jaya (MBPJ) memeterai memorandum persefahaman (MoU) dengan pelari menara nombor satu dunia bagi mempromosi bandar raya itu di mata dunia.

Melalui MoU tersebut, MBPJ memberi tajaan RM75,000 kepada Soh Wai Ching bagi meneruskan penyertaan acara itu pada peringkat antarabangsa seterusnya mengekal kejuaraan

"Saya berterima kasih kepada semua pihak termasuk ahli majlis, ketua jabatan dan warga kerja MBSJ," katanya dalam majlis Anugerah Perkhidmatan Cemerlang (APC) 2023 di sini pada 8 Mac.

Mohd Fauzi berkata kejayaan merangkul 13 anugerah tempatan dan antarabangsa sepanjang tahun lalu perlu seiring mutu perkhidmatan kepada penduduk terutama menyelesaikan aduan mereka.

"Kita perlu mendahului aduan. Cari isu dan penyelesaian (isu) sebelum aduan dibuat. Keluar dari pemikiran dan cara

kerja lama supaya sentiasa memenuhi tuntutan masyarakat."

"Ledakan teknologi maklumat masa kini menjadi cabaran buat semua kaktangan terutama dalam menyelesaikan aduan penduduk dan memberi perkhidmatan terbaik kepada masyarakat," katanya.

Tahun lalu, MBSJ merangkul antaranya anugerah emas bagi Anugerah International Convention on QC Cycles (ICQCC) Beijing 2023 dan Anugerah Integriti, Governans dan Antirasuah (AIGA) 2023.

sebelum ini.

"MoU diadakan bagi mempromosi bandar raya Petaling Jaya sebagai sebuah bandar pintar, mampan dan berdaya tahan selain menjadi destinasi pelancongan pengunjung dari seluruh dunia.

"Bandar raya ini juga boleh dijadikan pusat latihan larian menara untuk melatih anak muda menceburkan bidang ini seterusnya melahirkan ja-

guh larian menara," menurut kenyataan MBPJ.

Persetujuan berkenaan merangkumi pemakaian baju atau jersi berlogo MBPJ dalam setiap pertandingan larian menara dalam dan luar negara selain sesi temu ramah.

Selain itu, Wai Ching juga menjadi duta rasmi kepada MBPJ dan sentiasa mempromosi pihak berkuasa tempatan berkenaan kepada orang ramai.

Jalan sambung bantu surai trafik

SHAH ALAM - Pembukaan jalan sambung antara Persiaran Taman Perindustrian Kinrara dan Jalan BK 5B, Puchong membantu penyuraian kesesakan lalu lintas di Lebuhraya Bukit Jalil.

Majlis Bandaraya Subang Jaya memaklumkan projek jalan sepanjang 230 meter dengan kos lebih RM3 juta itu siap dalam tempoh setahun dan dirasmikan EXCO Mobiliti Ng Sze Han pada 7 Mac.

"Dampak projek ini adalah menyediakan laluan alternatif kepada penduduk setempat dalam membantu mengurangkan kesesakan di sekitar kawasan tersebut.

"Selain itu, ia beri kemudahan dan manfaat kepada kira-kira lebih 100,000 penduduk serta lebih 10,000 permis perumahan dan perniagaan," katanya di Facebook.

MPKL raih anugerah emas integriti

SHAH ALAM - Majlis Perbandaran Kuala Langat (MPKL) menerima Anugerah Emas sempena Majlis Anugerah Integriti, Governans dan Antirasuah (AIGA) 2023 di Putrajaya pada 29 Februari.

Menurut MPKL di Facebook, AIGA 2023 adalah inisiatif Institut Integriti Malaysia bagi menerap dan memperkasai integriti serta tata kelola baik khususnya dalam organisasi awam dan swasta.

Anugerah itu pengiktirafan dalam pembudayaan amalan integriti, tatakelala dan antirasuah yang lebih cekap selain mengadakan sistem kawalan pengurusan risiko serta pencegahan rasuah.

Penghargaan tersebut disampaikan Menteri Kewangan 2 Senator Datuk Seri Amir Hamzah Azizan kepada Yang Dipertua MPKL Dato' Amirul Azizan Abd Rahim.

Kompaun premis gagal patuh arahan

SHAH ALAM - Majlis Daerah Sabak Bernam (MDSB) mengeluarkan 15 kompaun atas pelbagai kesalahan dalam operasi lesen perniagaan sekitar Sungai Besar pada 6 Mac.

Menurut kenyataan, kesalahan tersebut antaranya tiada lesen niaga, memamer iklan tanpa kebenaran, halangan awam, ubah suai premis tanpa kebenaran dan tidak menjaga kebersihan.

"Sebanyak 42 premis diperiksa dalam operasi melibatkan Jabatan Perkhidmatan Kesihatan dan Persekutuan serta Jabatan Pengukuasaan.

"MDSB menasihati semua pelesen atau pemilik premis perniagaan supaya mematuhi undang-undang dan peraturan pelesenan bagi memastikan persekitaran premis dan perbandaran dalam keadaan kondusif," katanya.

Permudah syarat kelulusan tahnih

SHAH ALAM - Beberapa pindaan syarat dilakukan dalam program pemutihan pusat tahnih 2.0 bagi memastikan keselamatan pelajar terjamin, kata EXCO Agama Islam Dr Mohammad Fahmi Ngah.

Beliau menjelaskan pindaan tersebut juga melibatkan pemberian kebenaran merancang tempoh terhad kepada pengusaha pusat tahnih dengan syarat minimum.

"Garis panduan tersebut untuk memastikan peratus pemulihan lebih tinggi dari fasa pertama dan pusat itu mampu mematuhi syarat pihak berkuasa tempatan," katanya.

Beliau menjawab soalan wakil rakyat Sementa Noor Najhan Mohamad Salleh dalam sidang Dewan Negeri Selangor pada 5 Mac.

Dr Fahmi berkata Jabatan Perancangan Bandar dan Desa sedang meneliti cadangan peringkat akhir sebelum dibentang ke Majlis Tindakan Ekonomi Selangor dan Majlis Mesyuarat Kerajaan Negeri.

RM3 juta bantu 21 mangsa bah

SHAH ALAM - Majlis Agama Islam Selangor (Mais) menyerahkan bantuan banjir RM3 juta kepada 21 penerima yang terjejas akibat musibah tersebut pada 2021.

Setiausaha Dr Ahmad Shahir Makhtar berkata sumbangan mewakili Majlis Agama Islam Wilayah Persekutuan (MAIWP) bagi membantu mangsa dalam kalangan asnaf memulakan hidup baru.

Katanya, seramai 20 penerima mendapat bantuan binaan rumah baharu bernilai RM1.86 juta meliputi Hulu Langat (tujuh unit), Sepang (enam), Klang (empat) dan Petaling (tiga).

"Lebih RM1.12 juta pula bagi membaik pulih bangunan warden dan asrama serta bangunan lama di Pusat Pengajian Pondok Bustanul Ariffin, Kampong Labuhan Da-gang, Kuala Langat," katanya pada 5 Mac.

Projek tanam padi dalam bandar

SHAH ALAM - Majlis Perbandaran Sepang (MPSepang) melaksanakan projek tanam padi di Kebun Bandar@Cyberjaya bagi mewujudkan suasana desa dalam bandar.

Yang Dipertua Dato' Abd Hamid Hussain berkata projek rintis penanaman padi jenis MR297 Siraj yang digerakkan Jabatan Landskap sejak 15 Oktober tahun lalu berkeluasan 450 kaki per segi.

"Projek ini juga mendedahkan generasi kini suasana sawah bendang sekali gus mewujudkan rantaian keterjaminan makanan," kata beliau pada 8 Mac.

Abd Hamid turut merancang menambah empat plot petak padi selain menambah baik sistem pengairan moden dan bersepada bagi menjamin kualiti serta hasil padi.

Tambah baik pengurusan Islam

SHAH ALAM - Kelulusan Rang Undang-Undang (RUU) Pentadbiran Agama Islam (Selangor) (Pindaan) 2024 menambah baik pengurusan hal ehwal Islam di negeri ini, kata Majlis Agama Islam Selangor (Mais).

Pengerusinya Tan Sri Abdul Aziz Mohd Yusof menjelaskan perkara itu termasuk urusan mahkamah syariah, pelantikan timbalan ketua pendakwa syarie, tauliah mengajar dan pengurusan halal.

Lantik 2,778 penolong amil

"Dengan kelulusan RUU ini, Mais berlitzam untuk memantapkan lagi pengurusan agama Islam di Selangor sejajar undang-undang dan hukum syarak dengan kerjasama padu daripada agensi lain.

"Ini selaras kewajipan Mais bawah subseksyen 7(1) Enakmen Pentadbiran Agama Islam (Selangor) 2023 iaitu menggalakkan, mendorong dan mengusahakan kemajuan dan kesejahteraan ekonomi juga sosial masyarakat," kata-

nya pada 8 Mac.

Abdul Aziz turut menghargai pembentangan RUU yang dibuat EXCO Agama Islam Dr Mohammad Fahmi Ngah dalam sidang Dewan Negeri Selangor (DNS) sebelum mendapat sokongan wakil rakyat pada 7 Mac.

Beliau berharap penguatkuasaan RUU itu memberi nilai tambah dalam memperkasa Islam di Selangor sekali gus menjadi penanda aras kepada pemantapan pentadbiran berkaitan halal.

Bayaran zakat fitrah kekal RM7

Oleh NAS NORZIELA NASBAH

SHAH ALAM - Kadar zakat fitrah di Selangor kekal RM7, RM14 dan RM21 seorang pada tahun ini, menurut Lembaga Zakat Selangor (LZS).

Kadar tersebut berdasarkan harga beras mengikut gred dan jenis yang dimakan kebanyakan umat Islam di negeri ini.

"Kadar zakat fitrah ditetapkan RM7 untuk pengguna beras super special tempatan lima peratus dan ia adalah kadar wa-

jib minimum sebagaimana diputuskan Jawatankuasa Fatwa Negeri Selangor.

"Kadar RM14 adalah bagi pengguna beras super import, beras perang, beras pulut, herba ponni dan beras wangi.

"Bagi kadar RM21 pula adalah untuk umat Islam yang memakan beras jenis basmathi, beras Jepun, beras merah dan setaraf dengannya," menurut kenyataan pada 8 Mac.

LZS menambah seramai 2,778 penolong amil fitrah (PAF) dilantik bagi memudahkan umat Islam menunaikan zakat

tersebut.

"Orang ramai diingatkan untuk menunaikan zakat fitrah kepada PAF yang dilantik berdasarkan kad tauliah dan sijil lantikan yang disahkan LZS.

"Pembayaran zakat fitrah juga boleh dibuat melalui 17 penolong amil institut pengajian tinggi dan 96 Maahad Tahfiz serta sekolah agama swasta Selangor."

LZS juga menyediakan Zakat On Wheels di beberapa lokasi selain membuka 18 cawangan setiap hari termasuk cuti umum sepanjang Ramadan.

RM1 juta agih bakul makanan

PETALING JAYA - Menteri Besar Selangor (Pemerbadanan) atau MBI menyediakan peruntukan RM1 juta bagi menjayakan program bakul makanan pada tahun ini, kata ketua tanggungjawab sosial korporatnya.

Ahmad Azri Zainal Nor berkata inisiatif hasil kerjasama badan bukan kerajaan, persatuan penduduk dan pusat khidmat masyarakat meringankan beban golongan berpendapatan rendah menjelang Ramadan.

"Permohonan juga masih dibuka dan individu yang mahu memohon boleh pergi ke pusat khidmat masyarakat Dewan Undangan Negeri (DUN) berhampiran," katanya.

Beliau ditemui selepas menyerahkan sumbangan 150 bakul makanan dalam program tahunan itu di Pangaspuri Ida-man, Damansara Damai pada 9 Mac.

Penerima Uzainawati Abd Rahman, 49, pula bersyukur atas sumbangan berkenaan yang sedikit sebanyak mem-

bantu keluarganya membuat persiapan menyambut Ramadan.

"Dalam keadaan sekarang, dengan sesi persekolahan pun hendak buka, ditambah pula bulan Ramadan, ia amat membantu, terima kasih Kerajaan Negeri," kata suri rumah tiga anak itu.

Pesara Hashim Kamal Mahadi, 72, juga berharap bantuan sedemikian diteruskan pada masa depan kerana ia membantu menjimatkan perbelanjaan dapur golongan kurang berkemampuan.

MBI sokong jayakan Hari Tibi

SHAH ALAM - Menteri Besar Selangor (Pemerbadanan) atau MBI membantu menjayakan program sambutan Hari Tuberculosis atau tibi di Hospital Shah Alam di sini pada 7 Mac.

Penolong pengurus Jabatan Tanggungjawab Sosial dan Komunikasi Korporat MBI berkata tajaan RM4,000 turut diberi bagi menyokong program kesedaran masyarakat anjuran fasiliti kesihatan awam dan swasta.

"Kita sentiasa menyokong mana-mana fasiliti kesihatan awam dan swasta dalam menyampaikan program kesedaran kepada masyarakat.

"Selain sambutan Hari Tibi di Hospital Shah Alam, MBI baru-baru ini turut menaja program berkhatan di Pusat Perubatan Ara Damansara," kata Nurul Hani Nadira Hamsan dalam sambutan berkenaan di sini.

Ketua Unit Kesihatan Awam Hospital Shah Alam Dr Nur Farha Omar berkata sambutan tahunan itu diteruskan bagi meningkatkan kesedaran awam berkaitan jangkitan itu.

Katanya, Selangor antara negeri

yang mencatatkan kes jangkitan tibi tertinggi di Semenanjung Malaysia dan pihaknya sentiasa memastikan pesakit menjalani rawatan yang selesa.

"Bagi memastikan golongan ini benar-benar sihat kita juga bekerjasama dengan pejabat kesihatan daerah menjelak pesakit."

"Program Insentif Rawatan Tibi di bawah Kerajaan Negeri dengan bantuan RM800 turut memberi semangat untuk pesakit terus pulih," katanya lagi.





LINCAH... Aksi peserta dalam latihan melalui bimbingan legenda bola sepak negeri sempena Hari Terbuka XSelangor Soccer School di Stadium Mini Shah Alam pada 9 Mac. Foto Facebook XSelangor Football Academy

Selangor FC belasah FC Japan Malaysia

MBSJ, Perkemas FC rampas takhta liga

Oleh AFIX REDZUAN

SHAH ALAM - MBSJ FC merampas kedudukan pendahulu kumpulan A selepas menewaskan UiTM United Lioness 3-1 dalam perlawanan ketiga Liga Super Wanita (WSL 2024) pada 10 Mac.

Dua jaringan Intan Sarah Anisah Zulgaflil dalam tempoh 23 minit diikuti satu gol Steffi Sarge Kaur membantu MBSJ FC mengekalkan rekod tanpa kalah setakat ini.

MBPJ FC naik ke kedudukan kedua dengan tujuh mata selepas membasah Shah Alam FC Swat 5-0 di Arena

MBSJ, Subang Jaya.

Nurfarisyah Hanifah cemerlang dengan dua gol di babak pertama diikuti jaringan Faraiyah Ridzuan, Malini Nordin sebelum Nurul Nuha melengkapkan hari cemerlang MBPJ FC dengan jaringan kelima pada minit akhir permainan.

Dalam satu lagi perlawanan, Selangor FC memanfaatkan kepincangan FC Japan Malaysia dengan kemengan besar 7-0 untuk mengutip tiga mata pertama musim ini.

Kemerosotan prestasi FC Japan Malaysia kian terserlah selepas benteng akhir mereka melepaskan 12 gol dalam dua perlawanan.

Sementara itu, impian KL Spice-gals untuk melebarkan jurang mata di puncak kumpulan B berkecaci selepas tewas mengejut 0-1 kepada Penang Real CJ hasil jaringan Nur Adriana Balqis pada minit ke-26.

Kesempatan itu dimanfaatkan Perkemas FC untuk mengemudi kedudukan teratas dengan kelebihan jaringan selepas menang 2-0 ke atas SA United 2-0 menerusi gol Anis Azreen dan Nur Rosdiana pada 9 Mac.

Turut mencatat kemenangan, SSS Leopard FC yang mudah menewaskan pasukan tercorot Galaxi Girls PJ 3-0 untuk naik ke tangga ketiga mengumpul enam mata.

Cadang penglibatan golongan OKU

SHAH ALAM - Kerajaan Negeri akan meneliti cadangan untuk melibatkan orang kurang upaya (OKU) dalam program belia supaya mereka dapat mengembangkan potensi dan tidak ketinggalan.

EXCO Belia Najwan Halimi berkata pihaknya akan berbincang dengan Jawatankuasa Pembangunan Wanita dan Kebajikan untuk kenal pasti program atau inisiatif bagi golongan tersebut.

"Pelbagai inisiatif Kerajaan Negeri sediakan untuk golongan OKU namun kita melihat mereka juga mahu terlibat dalam program belia sama ada di peringkat Kementerian Belia dan Sukan dan negeri."

"Kita akan terus teliti dan perhalusi keperluan ini. Apa yang penting, kita akan pastikan mereka ini tidak ketinggalan daripada segi penglibatan program pembangunan belia di Selangor," katanya.

Beliau berkata demikian dalam program Kembara JOM Orang Muda (JOM) anjuran Kementerian Belia dan Sukan (KBS) yang dihadiri Timbalan Menterinya Adam Adli Abdul Halim di sini pada 10 Mac.

Kembara JOM edisi ketiga peringkat Selangor disertai 2,500 belia bagi membolehkan golongan itu menyampaikan maklum balas dan pandangan terhadap rangka Pelan Transisi Kepimpinan Belia.

Kekal juara boling padang Asia

SHAH ALAM - Malaysia mengekalkan kejuaraan Kejohanan Boling Padang Asia ke-15 dengan kutipan tiga emas, dua perak dan dua gangsa di Pattaya, Thailand pada 3 hingga 10 Mac.

Persekutuan Boling Padang Malaysia memaklumkan skuad negara mengatasi cabaran Filipina di kedudukan kedua dan India ketiga, lapor Bernama.

Tiga pingat emas negara diraih menerusi acara lelaki dan wanita bertiga diikuti kejayaan cemerlang Izzat Shameer Dzulkeple yang beraksi dalam kategori individu.

Kontinen negara turut memenangi perak dalam acara wanita bertiga dan lelaki berempat. Sementara gangsa diraih gandingan Nurul Alia Fitrah Mohamad Ali dan Ahmad Zikri menerusi acara berpasangan campuran serta wakil perseorangan lelaki Amirul Daniel Abdul Ramli.

Gombak FA sertai Liga AFL

SHAH ALAM - Gombak FA mengesahkan penyertaan pada Liga AFL-Kejohanan MBSB Bank 2024 dengan menggunakan logo baharu dikenali Gombak FC.

Persatuan Bola Sepak Daerah Gombak berkata penyertaan Gombak FA akan memberi nafas baharu kepada kemeriahkan kejohanan itu.

"Persatuan akan mengumumkan barisan kejurulatihan, pengurusan pasukan dan barisan penaja Gombak FA dalam masa terdekat.

"Semoga kehadiran Gombak FA di Liga AFL – Kejohanan MBSB Bank 2024 memberi saingan kepada pasukan bertanding serta mewarnai liga tersebut di Gombak," katanya dalam kenyataan pada 9 Mac.

Susun aktiviti kukuh perpaduan belia

SHAH ALAM - Dasar Belia Selangor (DBS) 2020 yang dibangunkan Kerajaan Negeri diselaraskan dengan program Rakan Muda bagi pengisian masa berkualiti dan penyatu perpaduan belia.

EXCO belia berkata program itu antara nyawa kepimpinan dan literasi politik dengan rakan demokrasi, pendidikan dan rakan mahir serta keseimbangan alam sekitar berserta rakan bumi.

Meliputi 10 gaya hidup dan domain, Najwan Halimi menjelaskan Penggerak Belia Selangor (PeBS) akan menjalankan inisiatif itu supaya manfaatnya dapat dinikmati belia antara 15 hingga 30 tahun.

"PeBS boleh melaksanakan program Rakan Muda di kawasan berpandukan DBS 2020. Penglibatan Ahli Dewan Negeri, pihak berkuasa tempatan dan agensi negeri boleh diselaras dengan membawa kedua-dua agenda Malaysia Madani dan Kita Selangor," katanya pada 6 Mac.

**BORHAN AMAN SHAH**
Tanjung Sepat

memeriahkan bengkel membuat biskut raya di Kampung Ulu Teris, Sepang

**JAMALIAH JAMALUDDIN**
Bandar Utama

mengedarkan bunga sempena Hari Wanita di pasar pagi Taman Megah, Petaling Jaya

**ANFAAL SAARI**
Taman Templer

menyertai kayuhan santai sekitar Bandar Baru Selayang, Gombak

**DR FAHMI NGAH**
Seri Setia

menyumbang kurma kepada Masjid Al-Islamiah Kampung Lindungan, Petaling Jaya

**DATUK JOHAN ABD AZIZ**
Dusun Tua

menyampaikan sumbangan Ramadan kepada masjid dan surau di DUN beliau

**ABBAS AZMI**
Seri Serdang

mengagih sumbangan kotak makanan kepada penduduk DUN beliau

**SYED AHMAD ALHADAD**
Lembah Jaya

menyumbang makanan asas sempena Ramadan kepada penduduk DUN beliau

Salur bantuan untuk rumah ibadat

SUBANG JAYA - Pusat Khidmat Masyarakat Dewan Undangan Negeri Kinrara memperuntuk RM31,000 untuk program pengimaran masjid dan surau sempena Ramadan di kawasan berkenaan.

Wakil rakyat Ng Sze Han menjelaskan bantuan kepada 31 masjid dan surau itu bertujuan membantu pengurusan rumah ibadat menganjurkan pelbagai program berman-



faat kepada umat Islam.

"Diharap sumbangan ini mengimarah sambutan Ramadan mengikut program pengurusan masjid dan surau," katanya dalam majlis ramah mesra bersama pengurusan masjid dan surau di Puchong Perdana pada 9 Mac.

Beliau berkata pihaknya juga cuba menyelesaikan beberapa masalah kerobosan kemudahan di masjid dan surau

mengikut keutamaan bagi memastikan keselamatan orang ramai terjamin.

"Kita ambil maklum masalah yang disuarakan wakil pengurusan seperti bumbung bocor, bangunan uzur, anai-anai dan sistem pembesar suara yang perlu diberi perhatian segera."

"Buat masa ini, kita akan melihat keperluan dan keutamaan bagi baik pulih namun akan pastikan keselamatan umat Islam yang menuaikan ibadah di masjid dan surau terjamin," katanya.

Jayakan program ihyā Ramadan

Agih RM150,000 ke 75 masjid, surau

Oleh SHEEDA FATHIL

SHAH ALAM - Dewan Undangan Negeri (DUN) Kota Anggerik menyalur pe-runtukan RM150,000 kepada 75 masjid dan surau bagi menjayakan pelbagai program sepanjang Ramadan.

Menyatakan setiap rumah ibadat menerima RM2,000, wakil rakyatnya Najwan Halimi berkata

DUN itu mencatat jumlah masjid dan surau tertinggi yang disahkan Jabatan Agama Islam Selangor.

"Kita berharap sumbangan ini sedikit sebanyak dapat membantu pihak pengurusan mengimaran masjid dan surau sepanjang Ramadan ini," katanya.

Beliau menyempurnakan Majlis Penyerahan Sumbangan Ihyā' Ramadan kepada masjid dan surau di dewan jamuan Masjid Sultan Salahuddin Abdul Aziz Shah di sini pada 20 Mac.

Najwan turut mengalukan kehadiran pengurusan masjid dan surau ke pusat

khidmat jika ada ada aduan atau perkara berbangkit.

"Selaras manifesto saya pada pilihan raya lepas, saya sedia membantu, mengemudi dan menyeraskan sebarang bentuk isu dan keperluan masjid dan surau di kawasan ini.

"Saya mengalu-alukan pihak pengurusan untuk berhubung ke pejabat saya jika ada masalah berkaitan pengurusan, pentadbiran atau keperluan prasarana untuk ditambah baik," katanya.



300 remaja terima vaksin cegah barah

KLANG - Seramai 300 remaja perempuan berusia 13 hingga 20 tahun sekitar Dewan Undangan Negeri Sentosa menerima suntikan papilomavirus manusia (HPV) percuma sempena sambutan Hari Wanita.

Wakil rakyatnya berkata program dengan kerjasama Persatuan Kanser Kebangsaan Malaysia sebagai langkah pencegahan awal barah pangkal rahim dalam kalangan wanita muda.

Dr G Gunaraj menjelaskan ramai dar-



ipada mereka tercicir daripada mendapatkan pelajaran berkiraan berikut penutupan sekolah ketika penularan Covid-19 sebelum ini.

"Kita ambil inisiatif untuk beri suntikan HPV kepada peserta yang berdaftar secara percuma mengambil kira kos pelajaran di klinik dan hospital swasta mencecah RM350.

"Penganjuran program ini demi memastikan wanita muda selamat daripada barah serviks. Mereka tidak per-

lu bimbang kerana tiada kesan sampingan daripada suntikan ini," katanya pada 10 Mac.

Beliau juga akan mencadangkan kepada Kerajaan Selangor supaya memasukkan suntikan HPV dalam program Selangor Saring bagi memastikan lebih ramai wanita menikmati manfaat tersebut.

"HPV satu-satunya vaksin mencegah barah pangkal rahim. Jadi ini peluang keemasan untuk wanita mendapatkannya, apatah lagi barah serviks menjadi bualan ramai sejak kebelakangan ini.



Sedia kaunter bersepadu di setiap DUN

SHAH ALAM - Ahli Dewan Negeri Bukit Gasing mencadangkan kaunter bersepadu yang menawarkan pelbagai perkhidmatan diwujudkan di setiap Dewan Undangan Negeri (DUN).

Rajiv Rishyakaran berkata kaunter itu berfungsi sebagai pusat sehenti bagi memudahkan rakyat mendapatkan perkhidmatan ditawarkan pelbagai agensi bawah satu bumbung.

"Di Selangor ada pejabat yang mungkin terletak jauh antara satu sama lain.

Memasuki era pendigitalan, pusat sehenti pelbagai perkhidmatan ditawarkan agensi kerajaan, pihak berkuasa tempatan (PBT) serta agensi lain wajar diwujudkan di bawah satu bumbung.

"Sebagai contoh perkhidmatan PBT, pejabat tanah dan daerah, Air Selangor dan Lembaga Urus Air Selangor boleh disediakan di kaunter

bersepadu ini," katanya baru-baru ini.

Selain itu, Rajiv turut mencadangkan ahli Majlis Mesyuarat Kerajaan Negeri (MMKN) mengadakan lebih banyak sidang media bagi memaklumkan perkembangan gerak kerja dan program dilaksanakan.

"Usaha kerajaan perlu dihebahkan. Tebal dokumen setiap kali MMKN bermesyuarat tiap minggu. Banyak usaha dilakukan tapi kita di luar mungkin tidak tahu usaha tersebut," katanya.

Jawatankuasa urus hak milik strata

SHAH ALAM - Jawatankuasa khas inisiatif pengeluaran hak milik strata bagi perumahan dan harta tanah ditubuh bagi menyelesaikan pelbagai isu berbangkit, kata EXCO perumahan.

Borhan Aman Shah menjelaskan jawatankuasa itu antara lain berperanan merancang strategi bagi mengatasi isu skim strata bagi pemilik perumahan atau harta tanah yang belum ada hak milik strata.

"Merujuk rekod Lembaga Perumahan dan Harta Tanah Selangor (LPHS), terdapat pangsapuri yang masih belum memiliki hak milik strata walaupun telah lama didiami.

"Isu ini memberi kesan terhadap pemilik strata untuk membuat urus niaga ke atas petak tersebut. Justeru, kita menubuhkan jawatankuasa untuk menyelesaikan isu tersebut," katanya pada 5 Mac.

Pentadbiran negeri di landasan betul

SHAH ALAM - Blok Penyokong Kerajaan (BBC) menyifatkan sokongan wakil rakyat Selat Klang kepada kepimpinan Dato' Menteri Besar isyarat jelas pentadbiran negeri pada landasan betul.

Menyambut baik langkah itu, pengerusinya Azmizam Zaman Huri berkata keputusan tersebut juga menunjukkan Datuk Abdul Rashid ingin bersama membina masa depan lebih cemerlang buat rakyat.

"BBC mengalu-alukan kerjasama erat dalam dan luar Dewan Sidang Selangor buat seluruh anggotanya dengan mengetepikan perbezaan politik demi kesepadan dan kesejahteraan semua pihak," katanya.

Pada 6 Mac, Abdul Rashid menyatakan sokongan kepada kepimpinan Dato' Seri Amirudin Shari berikutan Perikatan Nasional Selangor berdiam diri terhadap tohaman kepada Raja-Raja Melayu.

Edar 500 kupon belanja di bazar

PETALING JAYA - Sebanyak 500 kupon bernilai RM5 akan diagih kepada pengunjung bazar Ramadan di Selayang Utama, Damansara Damai dan Taman Ehsan.

Wakil rakyat Bukit Lanjan Pua Pei Ling berkata inisiatif tersebut bagi membantu peniaga bazar serta meringankan perbelanjaan pengunjung.

"Kita akan turun padang tiga hari berturut-turut pada minggu kedua Ramadan untuk mengedarkan kupon ini kepada pelanggan dengan berkonsen siapa cepat dia dapat.

"Inisiatif ini bertujuan membantu peniaga bazar mencari rezeki selain meringankan beban pembeli memandangkan kos harga barang agak tinggi," katanya yang turut merancang program berbuka puasa dan edaran kurma sepanjang Ramadan.

Sultan Sharafuddin
angkat syiar Islam

2

Kadar zakat fitrah
kekal RM7

20

Tawar Rumah Selangorku
untuk 36 keluarga

8

Bekalan barang asas
cukup di pasaran

18

selangorkini

Tonton tadabbur al-Quran setiap hari

SHAH ALAM - Program tadabbur al-Quran sehari satu ayat anjuran Pejabat Dato' Menteri Besar sekali lagi ditayang sepanjang Ramadan.

Program bertema tadabbur dan pengertian al-Quran dipancarkan melalui media sosial Amirudin Shari, Media Selangor dan TV Al-Hijrah setiap hari jam 5 petang.

"Kali ini saya dibimbing Ustaz Don Daniyal Don Biyajid dan Ustaz Dr Ahmad Fakhrurrazi Mohammed Zabidi dari Fakulti Pengajian Islam Universiti Kebangsaan Malaysia.

"Pada kali ini kita menjemput Qawi, seorang qari berbakat untuk bersama-sama membacakan tilawah ayat-ayat pilihan," kata Dato' Menteri Besar Dato' Seri Amirudin Shari.

PKNS sasar 5,000 pengunjung

SHAH ALAM - Perbadanan Kemajuan Negeri Selangor (PKNS) menyasarkan kehadiran 5,000 pengunjung ke Karnival Meriahnya Raya Bersama PKNS yang berlangsung di pusat beli-belah Datum Jelatek.

Pengurus Pembangunan Usahawan PKNS Yuzawati Yusof berkata sasaran itu mampu dicapai berdasarkan pelbagai aktiviti menarik sepanjang karnival sehingga 21 April, lapor Bernama.

Antara pengisianya ialah jualan barang hari raya seperti baju Melayu, baju kurung, songkok dan samping di ruangan Centre Court yang dijangka menjana nilai transaksi sebanyak RM100,000.

"Karnival juga akan dimeriahkan dengan sesi 'Meet and Greet' bersama Duta Usahawan PKNS Datuk Rosyam Nor, pertunjukan fesyen, ruangan foto keluarga dan aktiviti buskers pada setiap hujung minggu," katanya pada 11 Mac.

Sedia 1,560 petak niaga bazar

SUBANG JAYA - Majlis Bandaraya Subang Jaya (MBSJ) menyediakan 1,560 petak niaga bazar Ramadan di 25 lokasi tahun ini.

Pengarah Jabatan Korporat dan Pengurusan Strategik Muhammad Azli Miswan berkata pihaknya turut meneruskan inisiatif hijau di bazar Ramadan bagi memastikan kelestarian alam sekitar.

"Inisiatif tersebut adalah kempen pengumpulan minyak masak terpakai dengan kerjasama Petronas Dagangan Berhad di empat bazar Ramadan terpilih iaitu di USJ 4, Subang Jaya, BK5, Bandar Kinrara, Taman Puchong Prima dan Taman Puncak Jalil, Seri Kembangan.

"Program kutipan dilaksana setiap Sabtu bermula jam 5 petang hingga 7 malam dan peniaga yang mengambil bahagian diberi bayaran wang tunai RM3 per kilogram."



JOHAN...

Dato' Seri Amirudin Shari (dua, kiri) menyampaikan hadiah kepada mahasiswa Universiti Sains Islam Malaysia (USIM) yang menjuarai debat Piala Dato' Menteri Besar di Pusat Pembangunan Kemahiran Teknikal Selangor (STDC), Kuala Selangor pada 10 Mac. Turut hadir Timbalan Setiausaha Kerajaan (Pengurusan) Dato' Mohd Yazid Sairi (kiri) dan Ketua Eksekutif STDC Mohd Ramali Abu Bakar (kanan). Foto REMY ARIFIN

Inisiatif bekas pemain Selangor

Cungkil bakat baharu bola sepak

SHAH ALAM - Lebih 150 pelatih berusia antara 9 hingga 17 tahun menyertai Hari Terbuka XSelangor Soccer School di Stadium Mini Shah Alam pada 9 Mac.

Pengarah program Sharul Redzuwan Abdul Mutualib berkata matlamat utama acara itu mencungkil bakat baharu peringkat akar umbi.

"Mungkin antara mereka yang ada bakat bermain bola tetapi tidak ada kelab, mungkin mencari akademi bola, jadi kami menyediakan platform untuk mereka serta sekolah bola sepak ini.

"Kami baru bermula semula opera-

si setelah berhenti sebelum ini ekoran pandemik Covid-19. (Program) ini boleh dikira sebagai perasmian supaya ramai ibu bapa dan pemain tahu yang kami kembali untuk terlibat dalam program pembangunan ini," katanya seperti dilapor Flash Sukan.

Beliau berkata program berkenaan inisiatif bekas pemain Selangor antaranya Malek Rahman, Mubin Mokhtar dan Nizaruddin Yusof.

Jelas Sharul Redzuwan, program yang ditawar XSelangor Soccer School lebih teratur dan sistematis serta bimbingan

individu berpengalaman serta berkelayakan dalam kejurulatihan.

"Kita mempunyai golongan profesional yang bukan sekadar ada lesen kejurulatihan tetapi memang berpengalaman dalam dunia bola sepak yang sebenar dan mereka sendiri turun padang untuk latih pemain muda ini," katanya lagi.

Sharul Redzuwan menyasarkan untuk membuka empat pusat XSelangor Soccer School di sekitar Lembah Klang antaranya di Klang, Bangi dan Gombak sebelum akhir tahun ini.

Hollywood gesa gencatan di Gaza

SHAH ALAM - Lebih 400 seniman Hollywood termasuk pemenang anugerah Oscar pada 10 Mac menyokong gencatan senjata antara tentera Isreal dan pejuang Hamas susulan perang lima bulan lalu.

Digerakkan oleh Artists4Ceasefire, mereka menandatangani surat terbuka kepada Presiden Amerika Syarikat Joe Biden sejak akhir Oktober, lapor portal hiburan Hollywood Reporter pada 10 Mac.

Artis yang membuat desakan tersebut termasuklah Ben Affleck, Jennifer Lopez, Selena Gomez, Bella Hadid, Richard Gere, Cate Blanchett, Lupita Nyong'o, Mahershala Ali dan Jessica Chastain.

Ketika majlis anugerah tertinggi industri itu, beberapa calon Oscar termasuk pemenang Billie Eilish memakai lencana merah berlambang tangan jingga dan hati hitam sebagai tanda sokongan.

Digerakkan pada 20 Oktober lalu, Artists4Ceasefire sebuah perkumpulan sukarela yang menggabungkan suara seniman berhubung konflik di Gaza yang bermula daripada serangan Hamas pada 7 Oktober.

Jonathan Glazer, pengarah The Zone of Interest yang memenangi kategori filem antarabangsa terbaik, mempertikai Israel yang memperalatkan isu Holocaust, kekejaman Hitler terhadap Yahudi.